

廣州府志

ル 5
1212
46



寶訓
卷
五
七
方
傳
十
六

門 1158
號 1212
卷 46



廣州府志卷一百二十七

列傳十六

明香山花縣

三水

新甯

清遠

新安

鄭榮叟

周尙文

孫慈堅 林茂

歐觀生

容悌與

子汝勤 汝嘉 孫彬

鄭宗維

子慈

楊餘蔭

五世祖紹宣

盧瑞

黃瑜

黃鑰

盧淵

黃畿

鄭鴻

黃經

黃佐

何派行

袁三接

何述忠

弟述鉉

述瓚

鄭邦棻

郭尙敬

鄭士熙

廣州府志

卷一百二十七

列傳十六

毛可珍

何吾騶

李孫宸

何藻

蕭來鳳

盧兆龍

繆士傑

鄭一岳 以上香山

梁軫

陸宣

陸之

林鍾 子樑 孫承芳

梁喬幹 孫槐 槐子耀書

蘇阜

李純仁

鄧俊

梁鶴鳴

陳開泰

李希孔

陳大捷 周茂良

麥福 弟祥 以上三水

張道

李朝

鄺清隱 黃廉圃 李伯元 黃天祿 陳紹侃

何蘭

周秉唐

陳照

李彥芳

容維翰 子文挺

趙家璧

伍繩武

李星一 以上新甯

戴雲

朱璧 孫琳

黎璿

謝宗齊

徐以誠

黃瑄 子鑑

楊憲臣 朱璉

李輔

陳熙周 黃用仁 王玠

白嘗燦

朱學熙 父士諒 以上清遠

莊恭

鄭士忠

吳預

李茂材

吳祚

鄧師孟

陳大諫

陳果

吳國光

鄭文炳

溫可貞

從弟皋談

陳向廷

曾盧桐

陳文豹

李顏子

以上新安

李瑤

張大猷

李浩

徐龍禎

以上花縣

明

鄭榮叟香山蓮塘人果敢有謀元末巨寇劫掠縣治宣差達魯花赤朶羅歹力不能支乃率榮叟及邑人楊昆等移縣於古寨山上屯守已而朶羅歹卒人心動搖有族人曰橘官溺死人傳為神榮叟投之以機即迎禱之每寇至言見一紅衣

人掠陣中鄉人奮勇百倍寇輒遁去築壘鑿塹據守一十八

年龍潭賊盧實善等累攻不下洪武初征南將軍廖永忠率

兵至乃歸附祀鄉賢

據郝通志修

周尙文字質善仁厚坊人洪武甲子領解額第一乙丑登進

士明年選龍巖丞公勤廉潔修城西虎渡橋以便民請改鐵

賈為折鈔免遠運之害召為御史未行坐事謫戍馴象衛時

同年狀元丁顯同戍相與唱和超然自得其詩文以韓柳李

杜為宗其孫慈堅讀書儒雅有祖風社中士子多師之年七

十餘嘗為鄉飲大賓同邑林茂小黃圃人鄉里素不知學茂

篤嗜不為俗移發奮讀書文名大著移入郡學洪武二十三

年庚午領鄉薦入監列上等選為湖廣道御史擢刑部員外

郎卓有政績所作詩雋永可喜人傳誦之

據福建通志黃通志金通志修

歐觀生仁厚坊人個儻不羈博學工古文詩尤豪邁洪武二十九年丙子鄉貢進士教授紹興以性傲忤當道左遷仕方典史歸年六十卒號梅軒有集今不傳據黃通志修

容悌與字行白烏石人質厚行修明經長于書永樂中署儒學事聘修邑志士大夫咸推重之執弟子禮者無遠邇居家有禮男女各有學祀先謹祠堂之制嫁宗族孤女數人母陳氏病風癱悌與躬視湯藥十三年無頃刻懈及母沒哀毀踰禮邑人稱為孝行先生自經學外攻吟咏別號雲嵐所著有雲嵐集數卷卒年七十有七侍郎陳璉序其輓些謂其儒行足稱風俗為之歸厚云諸子汝勤汝嘉並以醇篤聞汝嘉生平足不履城市壽八十有一惟以邑令敦請一詣鄉飲而已孫彬亦有文學仕為教官奕世皆有悌與遺風其四世孫師

偃字得治自少性純孝父春泉患癱疾兄弟六人惟師偃侍

朝夕扶持不離側武宗正德十二年丁丑寇掠其鄉師偃負

父而逃追者急父麾使遯泣曰父子相為命去將安之俄被

執賊縱火灼其父師偃號泣請代賊從之父得釋而師偃焚

死據黃通志明史孝義傳修

鄭宗維烏石人宣德四年己酉領鄉薦仕政和縣學教諭啟

迪有方一時士類多所造就陞太平教授性醇厚善為文嘗

典雲南文衡藩臬推重治家有義方甚嚴諸子各能通經以

文學名子慈成化辛卯舉人知臨武縣三年以內艱歸囊橐

如洗民頌其廉據政和志香山志修

楊餘蔭字樸菴生七歲而孤及長博涉經史尤通春秋大義

正統辛酉邑大饑餘蔭捐賑穀三千石先是元至正間歲祲

廣州府志卷之二十一
餘蔭五世祖紹宣與弟賑穀五千石邑人德之爲建麗澤亭
至是新之題曰繼美據郝通志修

盧瑞字廷圭麻洲人少穎悟從同舍曾賢游有聲庠序正統九年甲子同舉於鄉計偕北上賢道喪明瑞念老母在堂需祿養遂就職得橫州學正送賢至家而後奉母就養人皆趨之瑞善講經士皆解頤任內三科鄉舉十三人進士一人前此未有也學宮久圯州守屬瑞重建比落成規制視舊有加薦守缺不果以內艱歸士從而來卒業者數十人服闋改高唐州州久無甲第瑞擇其秀穎者加意教之二年得進士二劉魁爲御史梁鏞爲給事中每語曰吾輩非盧先生不至此秩滿士子羣送至三百里有抵京師而後返者考最擢思恩教授思恩乃羈縻州郡立學未久獯不能華言瑞諄諄訓諭

無少倦積久而通貢太學者與柳慶無異知府岑英獨加敬焉歲飢從瑞請發倉賑之民賴以甦會缺同知英乞以瑞補時已有岷府長史之除矣瑞至藩王與世子皆尊禮之僚屬卒隸受約束惟謹上下各得其懽心歲餘卒於官據張府志修

黃瑜字廷美仁厚坊人幼聰穎明尚書景泰七年丙子舉於鄉入成均天順初天變求直言應詔疏上六事凡數千言觸權貴將得罪賴吏部尚書王翱戶部侍郎薛遠抹之而免嘗中御史選銓部將奏名矣其夜有俞姓者鑽刺奪之殊不色愠曰吾名類彼安知始非錯耶成化五年己丑乃授本省長樂知縣首捐俸遷建學校日與諸生講學時科目闕有間矣自是曾瓊林廣連舉於鄉兄弟有相訟者開導以因心之義皆涕泣受教退讓而去義官李允擒劇盜盧公林至謂曰盍

爲良民乎曲諭數四卽破械放之允叩頭爭曰此賊爲害數十年矣縱放則爲害滋大笑曰彼良心已動不可遏非汝所知也公林果革心力田永不爲盜豪氓殺人匿其屍訊不服法司欲從疑釋因請自訊忽昨蟻折左股斃於硯謂曰汝折其左股沉黑水池中神告我矣氓驚服其洗冤燭姦皆類此也以勁直忤當道浩然去民攀留不可則立其生祠歸途經黃土嶺向所化盜盧公林者親率其子弟肩輿過嶺其剛而能感人如此既歸徙居會城番山下手植槐二構亭吟嘯其中自稱雙槐道人曰子孫能更植其一則吾志畢矣蓋希蹤三槐也爲學以存誠爲本嘗自誦曰不欺心不欺人合內外而一之誠也置朱子語類及唐音杜詩於卧所晨起讀語類以析疑義暮則咏詩數章而後寢於聲色紛華一無所好卒

年七十有三所著有雙槐集及歲鈔傳於世

據黃通志修

黃鑰字世美黃梁都人成化十一年乙丑進士授大理評事審讞有能名升廣西僉事未幾閒住會鬱林陸川寇起詔鑰軍門聽用定鬱林博白流民幾三千戶清無徵稅米二千石襲殺歸化賊郭公才等與陶魯歐磐威行夷獍以功復前職改江西僉事擒瑞州賊王宏湖廣賊姚明禮俱散其黨劉大夏總督兩廣以鑰嘗有功廣西乃薦升副使兵備柳慶南甯兼分巡右江道蒞任卽卒

據張府志修

盧淵字光潛成化二十年甲辰進士授新淦縣政暇與多士論文每至夜分鄰封遠近之士咸北面焉嘗與郡守議地方利弊語多抗激守不懌因謂之曰朝廷設官尊卑相馭大小相維未曾等級不辨也淵抗聲曰官不論尊卑期於盡職事

關民社豈容緘默如以任事爲侵官盡言爲犯上恐非朝廷命官之意語畢趨出卽解組歸以詩文自娛著有釣叟集

張據

府志

黃畿字宗大瑜子七歲善屬對鼓琴見者呼爲奇童十六補郡庠生通詩春秋二經撫茹百家滌去陳語督學僉事張習稱爲古作然竟不合有司一夕同舍生攘雞邀之謝不往乃告改邑庠以養親歸自是絕意進士舉隱居粵山之椒研九流通三才五行之蘊撰三五元書著貫道論始猶雜於釋老旣而讀邵子皇極經世深造其奧歎曰自箕子以來合術於道其棄夫乎乃盡棄宿習稽元微訂律歷作皇極管窺十三篇晚年潛心大易中庸曰中庸易之疏義也太極通書定性西銘猶中庸也乃述易說數篇其論學則曰孔門傳心之要

一言而已慎獨是也故爲學必主於獨平生未嘗袒露星月下夢寐中有不善語必顛天謝過居暗室抱寂終日臨妻孥無有惰色天性至孝先意承志惟恐不及父母有怒長跪叩頭俟釋乃起一味之甘必獻廟奉親而後敢嘗居喪哀毀踰禮旣葬日猶哭墓方晨有虎突至俯伏而去旁有山人廖翼見之大駭爲作孝子感虎歌凡田宅財帛兄弟欲之卽與一無所靳每合經史語自誦曰天下無不是的父母世間最難得者兄弟人以爲名言捐已田七十畝爲義田以贍族鄉鄰或肆凌轢退縮不與校飲酒微醺卽哦邵子詩卒年四十有九別號粵洲學者稱爲粵洲先生嘉靖甲午父老覈其行實上之當道揭名于孝友坊丙申家人以其著述送察院御史周煦歎曰此真隱居求志之儒也命有司建逸士坊以旌之

據羅浮山志彙編黃通志修

鄭鴻字振儀蓮塘人年十五有聲庠序成化十年甲午舉於鄉屢厄會試梁儲為少宰肺附戚也客或諷之鴻正色曰子徒知少宰能貴人獨不知人有良貴耶遂絕意仕進卜築蓮峯下鑿池構亭徜徉自樂祀鄉賢據金通志修

黃經字子常生而嚴重律身有禮讀書談道邑多從游者宏治八年乙卯中應天舉人以親老願得祿養任霑益州同知旋改教職得四川學正時御史詣學講書教官例應奉籤經不可即致仕去祀鄉賢據香山志修

黃佐字才伯號泰泉四歲受孝經五歲能隨父畿執養親禮及就外傅問曰大學自綱領條目之外何以釋本末而不及終始師不能答十二歲舉子業成乃更學為古文詞及究心

皇極象數著座右銘正騷粵會賦正德五年庚午鄉薦第一作九州問以見志沉潛理奧至忘寢食歎曰孔門之學知行並進豈可偏廢乎丁外艱曰必至墓所至禫猶不食肉十五年庚辰登進士明年世宗即位始廷試選庶吉士授編修陳初政要務又請修舉新政疏皆留中康陵既祔大禮議興禮官毛澄議兄終弟無追尊之禮宜仿漢定陶王故事佐主其說署牘尾異議者以為黨因力請終養便道謁王守仁與論知行合一之旨數相辯難守仁亦稱其直諫還朝會出諸翰林院為外僚除江西僉事旋改督廣西學校抵蒼梧謁軍門秉禮不跪撫臣銜之端士習撤淫祠行射禮舉節孝立鄉社擇士民之秀者為弟子員以風勵之猺獞感悅偶得家報即疏請致仕竟棄官歸撫臣以前憾劾佐擅離職守欲中以法

時大學士李時薦佐有程朱之學宜充經筵講官世宗亦知佐名銓部以母老且病非詐覈覆止令致仕家居九年遠近學者從遊日衆闢粵洲草堂以居之巡撫陶諧以文章華國謀猷經邦薦諫臣董進第以遺逸薦禮部侍郎呂柟以宮僚薦皆爲議禮者沮之會簡宮僚命以編修兼司諫尋進侍讀掌南京翰林院召爲右諭德擢南京國子祭酒丁母憂歸耐廬于墓側服闋起少詹事謁大學士夏言與論河套事不合會吏部缺左侍郎所司推禮右侍郎崔桐及佐給事中徐霖御史艾樸言桐與左侍郎許成名競進至相詬詈而佐及同官王用賓亦爭覬望惟恐或先之遂皆賜罷佐學以程朱爲宗惟理氣之說獨持一論教人以博約爲宗旨蓋佐得力於讀書典禮樂律詞章無不該通故卽以此爲教是時守仁方

欲盡洗聞見之陋歸併源頭一路宜乎其不能相合也語諸及門曰詞章之說勝始有無用之文虛寂之說行始有無文之學曾論示人篤信好學始乎悅樂不愠終乎知禮知命知言必真知之必誠行之乃成君子生平操履端謹模範嚴整居無惰容燕無媠語私第鄰府寺敲扑喧襍而處之裕如布帷木榻不求更新細繹經文每至夜分不休終歲少入私室少癯然晚更豐碩知其所養充粹也通籍三十年在朝僅數載雖屏居有廊廟之憂賙貧赴義意惟恐後嘗增置義田以贍族人所至表孝義居鄉必爲言于官年七十七卒穆宗詔贈禮部右侍郎諡文裕所著有詩文集六十卷樂典三十六卷詩經通解二十五卷春秋傳意十二卷庸言十二卷鄉禮七卷革除遺事十六卷翰林記二十卷廣州府志六十卷廣

東通志七十卷廣西通志六十卷南雍志二十四卷香山志八卷小學古訓姆訓西京賦敷教錄各一卷漱芳集廣東人物傳六藝流別明音類選羅浮山志各若干卷行於世學者稱秦泉先生其弟子多以行業自飭而梁有譽歐大任黎民表詩名最著云

據阮通志修謹案阮通志云黃佐別有一新會人白沙門人憲宗

成化十九年癸卯第三名舉人太平府推官一順德

人英宗正統時歲貢容縣知縣

何派行字應充

香山志字芳洲其先出宋狀元卓之後南渡來居小

欖遂為香山人自少昂然出羣夜誦三鼓不休父止之派行

長跪曰世德未彰兒敢墜青雲志耶長益博覽羣籍督學田

汝成試高等嘉靖十三年甲午以易義中鄉試二十年辛丑

登進士奔父喪哀毀踰禮起授戶部主事歷員外郎中出知

太平府地控荆蠻未易制乃勵以清節士曾有爭疆者饋千

金求左斷却之而正其罪又肅士習剔衙門積蠹通小氓利

便頌聲大作直指索龍涎香弗應彈調思恩時八寨劇寇負

固恣睢以法繩之寨惡毋敢撓閭境晏然王戌入覲晉陝西

行太僕寺少卿己丑再轉本寺正卿直指溫諒以邊將賢不

肖以實對溫銜之竟以他事中焉遂罷歸先是奉勅按視山

西馬政具疏清釐額馬一時權貴皆畏之舅氏某至其地關

說官事謝絕之立促歸里後乃長跪請罪其介性如此三子

子份子倣子侗俱太學生有時名

據粵大記香山志修袁三接字平洲嘉靖四十一年壬戌進士司理盧州有平允

聲入為戶部主事考覈部事得失以卷呈堂多所爭辯久歷

郎署轉光祿寺少卿應天府丞晉順天府尹萬歷初大璫銳意開採珠池夜半遺書訪珠池之利三接艱然變色就燭前焚之越日伏闕疏論開採大為粵害民生愁怨盜賊釀起皆由於是議遂寢未幾中使李鳳復以開採驛騷粵地而三接已卒時論追惜之

據香山志修

何述忠字惺字小欖人父吾睿少失怙恃育于王母得以成立年五十三始貢于鄉述忠與弟述瓚同舉嘉靖四十三年甲子鄉薦少有夙慧家無藏書古今人文詞就坊間閱歸錄之終身無遺忘者十上公車母容氏勉以祿養乃謁選浙江温州府判至則進父老問地方阨塞振飭之尤重名節捐俸新顏真卿祠自為文表章林景熙唐珏遺事嘗進諸生講學出豆羹共飯其誠樸如此郡有疑獄經二十年不結直指檄

述忠覆勘盡得其冤狀闔郡稱平未幾奔母喪回里卒年八十有八祀鄉賢弟述鉉字調元同兄述忠弟述瓚皆負才名兄弟聯翩舉孝廉述鉉獨困諸生性至孝父喪哀愴幾絕述瓚字贊元束髮受書即問聖賢何如人人皆可為否師異之弱冠魁甲子鄉闈於經史諸子性理語錄日手書數十則以已意論述之遇格言要論矢志躬行工於詩尤善書法崇禎

間祀鄉賢

據香山志修

鄭邦棻蓮塘人性孝友補弟子員授徒講學遠近宗之父喪既葬廬墓三年遇諱日水漿不入口蓋終身孺慕者也以拔貢知廣西荔浦縣僻民頑長吏亦以地遠便為姦利多無名之賦邦棻一以德化蠲額外之征春秋履畝勸課農桑不期月而其民大治復飾學宮勵諸士以文藝是年邑生劉大

業遂擢高第近縣土司恃險遠每奪民田舍奴役之邦棧為
理論清復民田數千畝有以威劫民為臧獲者悉復之士民
為建革雜稅碑構勸農亭以示不忘家居禮請鄉賓者凡十
有九時萬厯中鄉評為近古邑中雖有耆年舊德無敢先邦

棧者

據香山志修

郭尚敬字吉吾萬厯十六年戊子舉於鄉稟性謙謹內外修
飾邑人欲遷學宮以費重難之尚敬捐貲為倡任沙縣合愛
民造士稱為循良解組還杜絕私謁以撰述自娛祀鄉賢

據郝

通志

鄭士熙字我純濠頭人本浦江名族先世宦粵遂家焉性孝
幼失怙哀動路人奉母孝惟謹弱冠餼於庠萬厯二十一年
癸巳拔貢謁選得潮陽學博以端士習正文體為急遷山東

長清令會歲荒民飢輒開倉假貸蒿目溝瘠未忍追償法當
免民間之恐失士熙牛車擔負緼屬不絕旬日補足調湖廣
城步縣革除橫征陋例每出輒有童子百十人迎拜馬首曰
公實生我士熙笑撫之在署惟飲水茹蔬歸里家徒壁立祀

鄉賢

據郝通志修

毛可珍字美仲原名元鎧生而端慤萬厯三十一年癸卯舉
於鄉知諸暨縣縣在萬山中夙稱難治可珍月吉讀法進父
老講仁讓政大和諸暨有義塚勢家溺堪輿言欲奪之可珍
持不可鄉人名其地曰毛公地俗多溺女為嚴連坐法由是
存活者眾貧民以男女質錢踰期沒為奴婢可珍計其傭值
還諸父母調靜海時廬田久為豪家私庄歲耗課額可珍下
車不數月宿弊頓清晚年高蹈不出卒年八十有八康熙十

二年祀鄉賢

據郝通志修

何吾騶字龍友號象岡述鉉子萬曆三十四年丙午鄉薦四十七年己未進士擬鼎甲改二甲四名崇正初由庶吉士晉左春坊充經筵日講官嘗進講畜馬乘二節至無如之何之句吾騶正色起奏上嘉歎久之會纂修神廟實錄成晉少詹事兼侍講學士歷官正詹事崇正五年擢禮部侍郎六年十一月加尚書同王應熊入閣溫體仁久柄政欲斥給事中許譽卿已擬旨文震孟爭之吾騶亦為言體仁評奏帝奪震孟官兼罷吾騶居久之唐王自立於福州召為首輔與鄭芝龍議事輒相牴牾聞疆既失順治三年丙戌十一月桂王由榔稱號於肇慶適聿鍵弟聿鏞嗣為唐王吾騶擁之自閩浮海至粵南海關捷先等首倡兄終弟及議大學士蘇觀生遂與

吾騶及布政使顧元鏡侍郎東莞王應華南海曾道唯總督林察等擁立聿鏞改年紹武就都司署為行宮應華道唯並拜東閣大學士招海上四姓盜授總兵等官與肇慶相距十二月十五日大兵克廣州時聿鏞方事閱射急易服踰垣匿王應華家俄縋城走為追騎所獲投縲而絕何吾騶及應華等悉降卒於家所著有元氣堂詩文集三十卷經筵日講拜稽錄四卷周易補註四卷雲笈軒稿二卷石刻楷草四種

山志明史修

李孫宸字伯襄小欖人萬曆四十年壬子鄉試第二癸丑成進士授庶吉士乙卯還里登羅浮西樵諸山與樵牧狎處遊屐所至賦詠成帙庚申秋入京直起居注旋掌內書堂不欲與中涓作緣求改掌誥勅文辭莊嚴有體壬戌校禮闈得人

稱盛晉掌春坊左庶子奉纂修之命乙丑春赴京途次晉南國子祭酒除納班准撥之例丙寅春晉詹事府侍讀學士教習庶吉士以節義相砥礪晉南禮部右侍郎攝禮戶兩尚書事中官矯旨命禮部監逆閹祠額孫宸寢不行崇正初晉禮部左侍郎掌翰林院察典晉經筵充日講寓箴規於剖析庚午回部頒程式以挽浮靡禁異服以還樸茂辛未知貢舉進士井濟文誤犯光廟諱及禮部主事馮起綸回奏魏光緒參鄧之沛事俱下部從重議處孫宸代爲引罪極力申救得輕議時論多之五月亢陽詔上書陳言孫宸具疏有曰毋以意在振弛而間加重典毋以言者過當而遂動嚴呵隱刺時政意倍婉切奉旨責回話十月詔諸臣面陳時政宸備陳陰陽消長大小往來國家治亂而外吏貪污繇撫按情面廷臣廢

弛因宦官干政反覆剗切晉南禮部尚書上地震疏再申前疏所未及甲戌秋三疏乞骸俱奉旨慰留然還山念切因賦金陵歸思百韻年五十有五卒於官贈太子太保賜諡文介諭祭葬有五門人經紀其喪性孝友立朝居鄉廉介可爲矜式著有建霞樓集行世祀郡鄉賢

據香山志修

何藻字采侯小欖人萬曆四十年壬子舉人以母病不赴會試母趨之乃治裝度嶺未幾托病返甲子丁母憂哀毀骨立後授普甯博士轉戶部主事督理山東臨清倉務倉用舊斛年久失舊制藻請更新斛民便之時中使督催山東四省糧餉按臨清藻抗禮不少遜中使銜之飛章劾藻匿新斛用舊斛就逮詔獄中使以賄敗得脫復原官至戶部廣東司郎中

據香山志修

蕭來鳳字啟韶萬曆四十三年乙卯舉人兩任龍川合浦教諭升知河池州來鳳因其簡僻為治吏民安之遷南甯同知嘗署邊州事地界交趾有官兵鄉勇各五千悉統於州官來鳳以書生將萬人嚴賞罰勤訓練無敢失伍及得代所過鄉落老幼送于道者數百子欽相孫立俱以明經通籍據香山志修

盧兆龍字本潛小欖人天啟二年壬戌進士筮仕清江嚴毅廉介課農桑輕徭役免罪贖犯者赴官道旁植柳一株有鞫士神殺淫僧諸異蹟遠近神之政暇則集諸生談說理要行取工科給事中甲戌會試同考官吏科都給事中掌計典抗論權要直聲震朝野時大冢宰張捷疏舉呂純如兆龍率六科交章論呂名為逆黨并劾捷妄舉事遂寢前後掌諫垣八年多所建白懷宗賜黃金百兩御書剛大精神直方氣骨以

寵異之據香山志修

繆士傑龍眼都人選貢生尙解推任河內主簿保固隄工擢

穎川衛經歷減耗羨平斗甬屯民賴之告休歸九列賓筵崇

正八年卒祀鄉賢據郝通志修

鄭一岳字東巖一字于賡父士熙嘗為長清令生岳年十七

與兄一龍同餼於庠天啟七年丁卯舉於鄉崇正十年丁丑

成進士授鎮江丹徒令邑當大江號衝繁一岳至徵發旁午

調度有方不累其民如吳中漕兌尤為軍國重儲一岳設法

預支遠糴以備急乏而後緩征以備倉庫由是課額屢登公

私兩便民甚賴焉時蝗旱連年流民四集捐俸賑之多所存

活事暇勤造土置田二百畝于香山書院以為諸生膏火資

會歲饑邑紳萬編語太守有酒禁酒戶八十八鼓噪太守不

能止一岳遣人治其首亂者乃寢又山賊抵境太守遣一岳
征之一岳毅然跨馬率家丁及兵役百十人夜往轉戰擒其
渠魁賊遂解散邑賴以安任滿會有旨行取復召一岳補山
東單縣單齊魯僻邑民戶凋零豪梗橫肆不由令即置人獄
中獄卒又穴地埋人半身立斃一岳至廉得其狀獄卒立斃
杖下者四人邑稱大快未幾以母年八十歸至南康舟次病

卒祀鄉賢

據阮通志修以上香山

梁軫號端溪新人水今三少卓立有經濟志充肇慶府庠永

樂二年選送文淵閣修書九年回籍是年辛卯領鄉薦授福

建道御史肅清風紀務持大體後改行在山西道

案三水志云鄉薦會

試不第入太學肄業十二年奉使浙江回京連丁內外艱十
七年起復宣德三年由國子監除行在山西道監察御史歷
巡浙直陝西等處正統間又巡江西湖廣四川雲南等處正
統十年劾奏楚藩僭用禮樂忤旨回籍無授福建道監察御

抵法浼同里蘇都事餽以金硯一明珠五卻不受出按湖廣

清臬司匿賊賊一毫無假貸劾武臣不法事為人所嚴憚

水

史及謫雲南典史二志互異初巡直隸所至激烈按山西時有指揮
事與黃郭二志互異使欲為之地軫固爭之曰有一於此是欺也後為忌者所中

謫雲南典史謝事家居始終剛介生平以貞白自勵遂別號

貞白萬曆元年崇祀本邑鄉賢

據三水志黃通志修

陸宣字汝為號萬松清塘人

原高要人

天順三年己卯鄉薦庚辰

會試乙榜成化二年丙戌復中乙榜直隸江陰訓導秩滿陟

縣令陳情乞就教便禱養授賀縣教諭改靈璧教諭與江浦

莊景往來最為所重壬子主考江西薦儒士羅欽順為首解

果連科及第時服其知人友人番禺崔廷珪按江西

三水志作南畿

有富僧犯姦賂求脫罪叱卻之其廉介如此有集藏於家

據黃

廣州府志 卷一百二十一

通志三
水志修

陸之陸宜弟

按之本高要籍故其兄宜由高要學中式嘉靖五年始割置三水

澄心理學不

逐名利嘗應弟子員試已入選督學欲易名為宜之曰君子

已孤不更名遂辭不願充歸從陳獻章遊獻章雅重之

據白沙弟

林鍾字太和利琼人父高子江州照磨鍾幼慧敏經史過目

成誦登嘉靖二年癸未進士授浙江西安令持廉奉公勸農

興學濯櫛奸胥殲除豪猾士民德之監司屢行旌異或有他

邑難讞之獄輒委鍾白焉考績北上邑民設主祀之員外徐

璠為之贊轉南京刑曹獄有涉權貴者諸司跼踖推遜悉以

屬鍾鍾一斷以法太宰許讚以鍾廉能特轉民部郎督大同

兵餉鍾撫諸叛卒咸有經畧尋丁內艱服闋遷安慶守清操

愈勵詢民利病綜理大綱不事瑣細故能自處整暇而百廢

具興嘗建懷甯學表余闕墓旌徐孝子閭風教丕振御史錢

籍疏薦之己亥聖母耐郢綜理精密而役卒亦不苦勞撫按

上其最有白金文綺之賜以勞悴卒於官生平篤好吟詠箸

有硯山集十卷藏於家次子樑嘉靖二十五年丙午舉於鄉

歷官大冶縣令有道學惠政民愛戴之孫承芳字文峯

三水志字先幼穎悟工詩文精翰墨中萬曆元年癸酉鄉薦十四年丙

戌進士廷試奏策萬言皆經濟實學已定第一人因錯二字

置二甲第一授編修受知神廟命書中極殿額甚嘉賞之未

幾以名高見妬左遷江西參議歸怡情山水遇景輒吟詠所

著有文峯集竹窗存稿

附明文海重刻十三經序今上登極之十二年大司成某上疏曰士所貴

通經學古惟十三經註疏故未鐫於學宮士或不得考覽非所以尊經右文廣勵學官之業也臣等請率屬訂考奏上幸

廣州府志 卷一百二十一

列傳十六

七

下大司空給資鑄之太學斯亦明經造士之助制曰可于是
下大司空給資授鑄如所請既訖工命臣某序其端臣謹拜
手序曰夫士惟上意所嚮則竭蹶而趨之茲上不以經術望
士哉古者士得觀於全經之難也然猶款關而請編蒲而識
乃今得坐而卒業焉士所不象上之指專精趨學者非夫也
天下自茲彬彬多經術之士矣然國家以宋儒傳註取士今
舍而取於漢者何也夫宋固撫乎漢者也博乎漢而後知宋
之原也自漢儒傳誦宋儒因釋其義夫義主理而後知宋
所固有者也即微宋儒吾得而以心逆之也訓誥非得焉則
譬之重譯之人聽中國之言語徒眩其目相視而不相通也
微漢儒為之譯宋亦安所譯其義哉且也儒者之不能盡窺
聖人之奧義將使人膠其說而不復深探聖人之旨則不若
第傳其訓誥人得自以心而逆聖人之意可也漢之去聖
人之也未遠其說猶或有受顧安得執宋之說以廢漢夫聖
人之意不能畢窺則盡其說經者而存之以待後之聖人聖
如致力哉臣觀漢初諸臣引為經說多離而少合然往往能
樹俊偉之業迄今可稱誦乃其後辨析精微曾不覩其助伐
云豈所謂窮經致用者非耶則以我用經與以經傳我者異
也繼自今治是書者能優游自得味道之腴則大善即不然
愧脫若曲學阿世自矜稽古之榮至使人謂十三經掃地則
上意謂何臣不佞願
與學士大夫交微焉

謹案阮通志云承芳為編修時國子監重刻十三經
註疏大司成屬承芳作序持論平允傳古信今之作
也

梁喬幹字瑤山利瓊人少好學嘗從湛若水遊以道學自勵
嘉靖三十四年乙卯登賢書除漳平令時邑城未建倭賊犯
境鄰邑受毒喬幹設方畧備禦倭不敢犯以親老歸孫槐力
學能文萬曆十三年乙酉舉人為浦城令有善政以子耀書
贈文林郎耀書少穎悟萬曆四十六年戊午舉人為諸暨令
有聲嘗語人曰吾莅暨無他長惟旬日接人命數十詞十無
一行間得其情亦復質勘再三庶幾不愧於心耳尋卒於任

據三水志修

蘇阜字少凝龍池都人祖仲長都事父霑露恭城知縣阜嘉

靖三十七年戊午舉於鄉穆宗隆慶二年戊辰乙榜署天台
教諭月設五課以造士贍諸生貧者庚午應聘分考滇南遷
麗水令興利釐弊民用以康擢光祿寺正丁艱起復補高郵
州守兼理河工有成勞例得敘功轉官年僅五十遂乞致仕
家居不入公庭惟訓課子弟歲荒出粟賑助遠近咸服

據三志

李純仁字次堯天湖人性聰穎一覽成誦十二歲補邑弟子
員時與潮郡王贊襄號兩神童純仁性孝謹一遵父訓母陳
氏老得健忘病每飲泣禱天就養始終勿懈嘉靖三十七年
戊午舉於鄉授同安教諭一時人士咸服其教業無有敗羣
者以不開劣報忤督學意移鎮海衛節推素知其賢檄掌五
經書院甲子分校楚閩轉綏甯令所至有冰蘖操致政家居

有綠野堂集

據三水志修

鄧俊字可籲清塘人嘉靖四十三年甲子鄉薦未幾丁外艱
哀毀骨立三年不內宿署慶雲教諭晉崇善令多異政俊性
誠坦義所不可則確然難奪有甲科鄉宦為郡守所庇將引
至從祀俊廉得其家食時無行狀辭焉士司李天熿父子以
嬖貳阻兵相仇累年莫可解者俊受命折柬動之遂為父子
如初憑祥州與安南爭界俊奉檄往判安南人先期遺賂俊
笑卻之卒據公明界立石而旋安南建卻金亭志盛德焉

據三水志修

梁鶴鳴字體城龍池人萬厯元年癸酉舉人授聞縣訓導視
篆羅源政聲大著已卯分校浙江轉陽朔令因民賦重酌丈
量法以寬之通判常州課最晉戶曹郎奉倉場差有成績出

守潯州潯故僻瘠至則免勾攝之擾禁毒賴之俗以輕代浮糧以小艇代馬差重修學宮篤行鄉約有稅監者虎而翼罪連無辜力雪出之并除關權爪牙武靖夷目結怨仇殺鶴鳴鎮撫有方民賴安集考將滿慨然告致仕夷民攀轅不肯散院司委曲勸留凡五上書稱三宜休十不當留乃得歸潯人思之為祠祀焉

據三水志修

陳開泰字侯亮西南人誠實剛介動履可法登萬曆二十五年丁酉鄉薦署廣甯教諭授餐課士擢國子助教晉南院司務歷戶部郎出牧鶴慶歲大稔開泰亟捐俸倡賑於是好義之士皆感動樂助所存活數十萬人郡為南北通道八十里達於順州阻山臨壑崎曲折益以泥濘往來者患焉乃出千金關隘夷險萬世賴之晉會作逆震及鄰境開泰厲土司

等兵勇往戎行而華裕諸族為之供億賊望風遠遁裒資剗復文廟麗江沐府至以千金相助後以勞瘁卒于官祀鄉賢

據三水志修

李希孔子鑄生而穎悟八歲能文十三補邑弟子員多讀書每求明體達用不為口耳之學兼好為古文辭篤孝友慷慨有大志萬曆三十七年己酉庚戌聯魁觀政吏部忽心動歸歸數日而父卒居喪不飲酒茹葷者三年服闋授中書舍人奉命冊封陝藩悉屏餽遺考選南道御史值遼左經撫失和致誤封疆閱科姚宗文前後獨擠經畧熊廷弼希孔甫拜命疏糾其可駭者二其不解者三疏三上又糾其阻抑考選以令旨二字抗言激還遏抑先帝非常之德一時人心大快咸謂海瑞復出家宰周嘉謨揚言於屬云近數十年不見如

許章疏李侍御氣節稜稜大有擔當人也泰昌元年冬陛辭而南條陳時務七款明年夏馳疏奏府臣邵輔忠影匿之奸又明年奉京營差因白蓮作孽留都震攝疏條四策以戒不虞抵京城陳最急七事必期實行如去揆輔沈淮請逮劉時復乞正鄒之麟造書傾陷之罪皆侃侃勁概凜不可奪而其大者修萬厯泰昌兩朝實錄巨奸變亂是非疏辨宮闈三大事天子嘉其忠又疏請保姆出宮請誅崔文昇皆言人所不敢言者僉壬切齒幾為主察者所中京營差滿旋差屯馬未拜而卒於京邸舉朝惜之所彙南臺疏草具載家集中據阮通志

陳大捷字肖彭萬厯初以武生從都督陳璘擊倭救援朝鮮於露石洋昌善島了山口等處焚燬倭船多斬獲又從攻播

州楊曾湖貴皮林逆苗皆獲全勝督府前後薦授廣州右衛中所百戶世襲仍隨征水碇等寨復授欽州搗破交夷攀蒙狠利等巢升從化所千戶世襲上書謝事歸老家園吟風醉月頗有林下風致周茂良以武生隨都督陳璘征戰朝鮮播貴等處有功皆與大捷同事於萬厯二十三年授南海縣百

戶世襲據三水志修

麥福幼至京選入內廷以勤敏敬慎遇事果斷特被武廟眷遇厯御馬監乘馬禁中提督十二團營總提督西教場都知監上南巡界符驗關防留守京師尋掌司禮監印仍兼督東廠前後屢賜玉帶及飛魚坐蟒服至於公勤端慎銀記及升菴別號之賜尤出殊遇福沉深有武畧又讀書好禮於東廠公署後建堂祠

先師出入必瞻拜掌監數年上有以終聖眷下無疵於士大夫之議焉弟祥嘉靖十六年以冠帶舍人隨甯夏總兵官軍前聽用有斬殺功覈實陞冠帶小旗後於遼東涼州等處屢有斬殺功陞拔錦衣衛左百戶所尋陞正千戶指揮僉事指揮同知嘉靖三十年累加特進榮祿大夫右都督子麥舟廕錦衣衛戶 據三水志修以上三水

張道新甯古潯州人宏治中道甫數歲其父紀從征西賊戰死於北流之狐狸山道稍長母朱氏告之故道泣請於母曰吾父陣亡無愧於臣矣道不能葬父何以爲子遂辭母不遠千里赴戰所果獲父骸歸事母盡孝母卒廬墓三年哀慕之誠終身不忘 據新甯志修

李朝字君表文章都人增廣生性孝友嘉靖乙未饑罄原爲

賑父仲行爲盜擄去明赴贖涕泣橫流粵盜劫質雖得猶戕

生口以泯跡至是感動且悉其父子素長者遂釋之子挺肇

慶庠生亦孝友仁厚有父風 據新甯志修

鄺清隱德行都人志氣慷慨有俠士風正德間温邊白石盜

起兵備王大用來征遣清隱同北坑黃廉圍東坑黃天祿塵

禾田李伯元等赴賊所招撫賊渠許申保抗命清隱仗義聲

罪遂被難同死者九人兵備慟之旌爲九節云陳紹侃字文

直矧崗都人宏治十一年戊午設縣首補邑庠生正德間廣

西賊謝志山等作亂縣響應時廣海遊擊以紹侃才畧令解

糧給軍中途遇賊被擄紹侃曰吾甯義死不敢偷生賊殺之

收遺骸不可得乃葬其生指甲衣裳於官兜之原 據新甯志修

何蘭字斯馨嘉靖間襲百戶從征會甯巨寇攻八角臺若生

擒賊首廖四福推本邑千戶所隆慶三年倭寇突境蘭守廣

海衛甯城刁斗戒嚴四年正月六日賊由西城襲入蘭禦之

城下斬殺相當賊圍之數重血戰創重仆地家丁何二騷負

歸夜半死據新甯志修

周秉唐隆慶間甯百戶職倭犯城秉唐戰亡暴尸二十六

日骸具不全同時有王貞者亦死國事均奉詔優恤據新甯志修

陳照字廷光廣海衛人長身闊步骯髒有大節年十二孝事

孀母生平睦族敬土建橋修路見推鄉閭萬厯間由邑庠襲

指揮使陞廣西慶遠守備捐賑河池宜山荔波州縣所活甚

眾都閩閩中參將西粵奉命援黔以勦平安邦彥功陞廣州

海防副總兵勦撫番禺清遠增城從化龍門山寇御史薦之

署廣東總鎮會閩寇劉香犯省城照迎戰赤崗焚艦擒賊陞

四川松潘鎮總兵據新甯志修

李彥芳陞崗都莘村人性至孝視膳承歡居喪盡哀友于伯

兄割己田五十畝以為嘗祀喪偶四十餘年不再娶歲歉出

粟以賑饑者好讀書耽吟詠有詩集行世崇正甲戌卒年九

十有六祀鄉賢據新甯志修

容維翰萬厯六年戊寅選貢授南雄訓導陞廣西潯州府教

授以不郊迎巡按御史錢見賞試觀風文又工與之談大器

之前後署桂平平南二縣事有所平反與署府事林不相能

三辭邑事不允會錢以抗疏去遂歸構一草亭松竹環之徜徉

林野二十餘年子文挺字虛白性恬行方文筆高古登萬

厯癸酉賢書由教陞廣西永淳令政尚寬簡清介自守解組

歸來行李蕭然以詩酒自適合余應郊景其高風聘修邑乘

據新甯志修

趙家璧字城易，甯都人。性倜儻，不治家人生產。登萬曆四
十三年乙卯賢書，因早孤，寸帛不以加身，誠心質行，與人無
飭貌，年且五十，無子，養族子為嗣。未幾，殂。繼妻王氏，年少，族
屬欲奪其志，泣曰：「吾不難從，君子於地下，將置此兒于何地？」
奈何欲狗彘我乎？其堅貞如此。據新甯志修

伍繩武，字宜文，萬曆十九年辛卯舉人。選浙江平陽縣令。浙
俗多溺女，凡將媿者，皆以木桶貯水，媿後自長女外，盡于桶
而淹之。繩武出示嚴禁，且作戒溺女文，以曉諭之。俗為漸變。
據新甯志修

李星，一字繼碩，其生之夕，母見一星墜房，遂以為名。崇正十
二年己卯舉於鄉。性豁達，諳兵畧，廣結納，與東莞張家玉順

德彭耀善，甲申之變，集兄弟起兵勤王。聞家玉擁立唐王，投
袂赴之。隆武二年十二月，星一監督水陸江西道御史。

大清兵入廣州，永明據肇慶，命星一往三水招兵。會陳邦彥
以師潰，至乃與邦彥協力赴陣，不知所終。子孫以衣冠葬焉。
據新甯志修

以上新甯志修

戴雲，文章典正，學富百家。洪武制科初闢，即領甲子鄉薦。乙
丑成進士，稱文運。首創云初授刑部主事，改御史。風紀自持，
彈劾不避權貴。工詩文，與孫蕢友善，名並一時。據張府志修

朱璧，清遠人。邑庠生，志行端潔。丁母憂，泣血三年，未嘗見齒。
與弟姪同爨四十餘年，一錢尺帛不入私室，捐俸資置義田。
遺子孫婚喪，需洪武二十四年辛未貢太學。官至工部主事。
孫琳秉性剛毅，居鄉以睦婣任郵為事。鄉人黃清五歲，父母

繼沒琳助喪葬及長又濟以婚并出穀以救鄉之貧者民德之景帝景泰四年癸酉舉於鄉任福建龍溪知縣廉以持已

嚴以率屬尤加意焉據黃通志修

黎璿有雅量博學強記永樂元年貢入太學肄業成祖視學見璿儀表出羣詢問稱旨除刑部主事執法平允升工部員外郎廉能勤幹丁艱起復補戶部催督浙江積逋設法查覈賦役一清又差往湖廣賑貸全活甚眾洪熙初進階奉直大夫協政庶尹後升郎中凡在戶部二十餘年老練持重人咸稱其賢擢山東參政革弊興利有歎歷聲撫緝流移士民尸祝薛瑄視學山東獨與璿善嘗書忠愛二字額以贈升四川右布政致仕歷官三十餘年忠君愛國之思每念念不忘祀山東名宦據張府志修

謝宗齊宣宗宣德八年癸丑貢太學授杭州衛經歷優恤軍餘差遣有節衛官不得私役以薦擢雲南趙州同知蒞事公平士民悅服歷任五載餘謝病歸仁愛閭里尤注意于鰥寡孤獨天順中流賊陷城邑民張俊家無噍類宗齊養之十載及沒殯葬之人多其義弟叔齊早逝無子婦張氏守節厚待之置墓田五十畝以祀祖考且贍族人之無後者據黃通志清遠志修徐以誠登永樂三年乙酉賢書授福建閩縣甫就任興利除弊與民更始嚴私謁絕苞苴尤獎勸士類士多玉成之以政績卓異升禮部主事尋以老休歸裝惟圖書數卷而已其清介如此據清遠志修

黃瑄字應玉天順八年西賊擾縣境總督韓雍合縣立營自衛上官舉瑄為營長集鄉勇七百守護桑梓晏然家世富饒

成化三年歲飢大吏勸富民出粟倡賑瑄輸粟一千石縣民
德之八年縣有盜警長吏薦於參政卓天錫僉事陳燮舉為
都長凡縣中水道哨巡暨各營長之事皆瑄總理鄉邑賴保
障焉弟瑜字公甫六歲生母死天順時西賊入寇嫡母李氏
被擄親入賊營願以身代賊感其孝并釋之瑄子六人鑑字
天祥隨父從戎被賊擄為官兵內應賊遂敗隨官效力數年
有功不受獎而歸亦奇士也

據清遠志修

楊憲臣初名敷以兄歿襲清遠衛指揮使從學陳獻章獻章
重之贈之詩云笑倚長松咏晚臺三三兩兩共無懷人間紫
府千回夢我共黃雲一路來鹿洞當年尋李渤鷺湖今日想
東萊將軍夜半還能飲欲引東溟入酒杯後以功升都指揮
僉事朱璉仗義輕財不干勢利雖未及獻章門而獻章門人

李孔修重之榜其堂曰不忤不求樂得烟霞之趣爰居爰處

安於明盛之時邑令張扁其門曰盛世逸民云

據清遠志修

李輔號芝松陳獻章高弟也獻章赴召輔贈詩云曾向江門
弄釣絲海風吹浪潑蓑衣忽驚天子黃麻詔打破先生白鷺
機又云十年老劍腰間繫留與今人定是非世為名言至今
傳之品甚高一時臺省咸重之著有芝松詩集惜後嗣凋謝
遺佚者多耳

據張府志修

謹案阮通志云此傳明新會志及陳遇夫所編白沙
弟子傳皆不載考白沙集中有贈李司訓詩清遠志
選舉稱李輔為正德十年歲貢任浦城縣訓導後遷
教諭云

陳熙周清遠衛指揮僉事嘉靖四十五年領兵征翁源奮身

廣州府志卷之二十一
殺賊陣亡兵備道劉穩作詩表之

據清遠志修

王玠萬厯己丑進士授甌甯縣辛卯本省同考官歷任八載清慎慈惠士民戴之升刑部郎中讞獄多所平反以母老請終養歸尋以地方人才薦舉起主客郎中擢光祿寺丞晉少卿奉命致祭親藩道經於家以疾卒玠立品清白以孝著聞難進易退之節朝野咸推重焉

據張府志修

白嘗燦字燦玉清遠衛指揮僉事當陳邦彥攻廣州不克退取三水扼胥江口與

大清兵戰互有勝負嘗燦與翰林待詔朱學熙舉清遠城迎之分門堅守成棟圍攻十日不拔穴城實以火藥戰酣火發城崩十餘丈勢如山倒嘗燦巷戰斬十餘騎而死

國朝賜諡烈愍

據巖野集勝朝殉節諸臣錄修

朱學熙字叔子父士諒性豪爽膂力絕人其生年月日時皆屬虎氣猛烈怒號則林屋震動如虎嘯也邑近山多寇馳駿驃手運銅鞭如飛遇鄉盜輒辱食率家健直擣截險要賊聞風遁去邑人賴之嘗奉制府檄翦平白石湖之寇功成不受爵賞臨終取數千金券焚之使學熙講孟子當路於齊章曰管晏事功非聖人不可輕議也以兵法及所為王霸論邊防緩急粵徼利害授之學熙為人忠孝質直至性過人留心當世之務永厯初上書言恢復計授翰林待詔廣州既破與指揮嘗燦謀舉兵倉卒未就會陳邦彥戰敗走胥江與李成鏐戰軍孤無援互有勝負學熙與嘗燦乘間執知縣殺之舉清遠城以迎邦彥遂入為死守計兵食不給學熙輒領資以供援兵登陴晝夜不懈城破取先人兵法焚之自縊死邦彥巷

戰不勝退入學熙青林草堂見其圖書萬軸左琴右劍奇石
寶玩悉環而學熙衣冠縊其中矣大哭之至西池躍身以入
曰吾與叔子同此一勺清泉水淺不得死李成棟等屠城死
者二萬餘人學熙生平所善多博學高才篤氣誼之士嘗於
峽山淙碧軒中奉魯仲連張良班超蘇武諸葛亮郭子儀韓
琦寇準范仲淹王守仁十王朝夕事之以志願學嘗檢落英
封之南馬號曰花阡有南越廣艾及詩賦等集據巖野志修
以上清遠
莊恭字克敬洪武二十九年鄉薦讀書大學時邑學燬于火
有司僅建講堂兩齋恭歸見之歎曰以三百里縣而先聖俎
豆之堂規制不備吾徒責也遂上章陳請得旨遣官督建大
成殿兩廡戟門櫺星門始復舊觀又嘗與陳義纂修邑志選
豐城教諭遷上林苑監正據張府
志修

鄭士忠字廷獻自幼穎悟過人方伯祁順以大器奇之弱冠
迎親于方氏自執雁不舉樂士紳服其古樸以易經中式成
化二十二年丙子舉人宏治三年庚戌進士授浙江麗水縣
知縣質直剛方廉正自持擊豪猾却餽金解組而歸杜門不
出雖同籍未嘗苟謁睦族邨鄰人皆愛之據張府
志修
吳預字少凱新安人福建通志
作東莞人正德十四年己卯鄉薦嘉靖
八年銓授邵武府推官廉而有斷寬而不苛嘗署邵武縣事
釐革宿弊省節民財考最擢柳州府同知署篆思恩適寇至
守戍望風潰散孤城無援預運籌為攻守具賊眾臨城申以
大義皆俯地感泣而去十九年陞工部員外郎尋卒於任祀
邵武名宦本邑鄉賢據郝通
志修
李茂材東莞守禦所千戶體貌魁梧精騎射有謀畧考選軍

政掌印時黃國相等流毒三省茂材督水兵一鼓擒之剿巨寇許老何亞八等轉征大羅山寨有功升授指揮僉事番彝海寇江老陳亞旺等繼起茂材以次討平嘉靖四十三年兵叛茂材散家資糾集鄉兵追擒四百餘人焚其舟餘黨悉平四十四年從征海寇殄馘不可勝紀升柘林守備當道使茂材從參將魏宗潮都司王如澄追剿巨寇曾一本二將忌功屢阻其謀茂材謂家人曰吾夙有裹尸之志今償之矣命載櫂車以行次雷州港督兵血戰八晝夜殺傷甚眾以失援戰死詔褒其忠世襲指揮使據張府志修

若屬倡亂乎果爾首及我不則各保妻孥毋速禍也聞者氣阻隆慶六年海道劉公穩按臨祚泣請曰辛酉之變閩郡皆然雖由天變實亦人事為海濱萬年計久安不如立縣便公深然之遂分立為合治劉公陞太僕貳卿祚率眾建去思祠積船租置田為永祀計是年七十有八卒知縣曾孔志親為文以祭之據新安志修

鄧師孟隆慶時父被海寇林鳳掠去孟謀之外父曰吾家故貧難贖願以身赴外父難之孟詣賊船求以身代父詞氣懇摯聲淚俱下寇留之因釋其父將別囑曰諸弟堪事勿以兒為念乃沈海而死邑令邱體乾修志紀其事邑令王廷鉞始詳允入祀鄉賢據新安志修

陳大諫字遂忠號菊波坪燕村人生而警敏甫十齡即善屬

文十五補邑弟子員嘉靖四十三年甲子舉人萬曆乙丑授湖廣荊州府通判荆俗疲悍諫設立科條政舉刑清士民德之丁艱服闋補福建汀州府通判釐奸剔弊百廢具修政暇則與諸生探討義理闡揚性命其陶鑄士品率以立身行己不區區文字間屬邑同官凡有請質諫指示機宜皆切中時病靡不服其練達歸之日行李蕭然士民遮留夾道繪攀轅圖以贈家居八年卒

據新安志修

陳果字稚碩萬曆四年丙子舉人登唐文獻榜第二甲授兵部山海關主事慷慨尚氣節少與新會阮大成交成中年流落挈妻子往依之解衣推食及卒以禮殯葬撫其子并為其女擇配丙申歲大祲出粟賑飢知縣喻燭匾曰仁洽里中改建學宮殫心營繕凡邑之利害必率父老陳于當事豪蠹多

憚焉

據新安志修

吳國光字觀光幼失怙恃弱冠補邑庠以易經領萬曆七年己卯舉人選授永福教諭陞廣西興安縣知縣路衝務冗光靜以鎮之不務苛細築渠堤以濟商民修學宮以興髦士清丁糧廣教化興誦日興屢為院司獎薦有巨璫臨縣光長揖不拜大忤之坐謫福建泉州府教授尋擢浙江樂清縣令抑豪強潤寒素却餽遺慎獄訟其地有雁蕩山當道縉紳之遊者冠蓋相望官僕僕送迎民亦疲于奔命光簡其夫役不為權貴所動卒以受謗左遷解組歸抵家數月而卒邑合邱體乾曾聘修邑志所著有石龍軒寓徐永署雁蕩諸稿

據新安志修

鄭文炳字在中萬曆七年己卯舉人初授福建將樂訓導陞高明教諭值歲大祲簡士之貧者賚之勸富家厚輸廩粟秩

滿陞廣西賓陽學正署懷遠縣事猺獠攀轅數十里弗輟復署融縣事值師旅供億浩繁輸粟二千石戰馬八百疋經畫有方民不為擾撫按上其功來賓獠亂縣官挈妻子去兩院謂炳有禦侮才使往攝篆到治即止所征兵單騎入撫猺峒悉平卒于官著有奎亭集數卷

據新安志修

溫可貞字爾淳一復子萬曆十年壬午舉人奇于數禮闈屢擬上卷弗售乃謁詮得亭州牧時因亢旱隨禱隨應士民歡呼構靈雨亭以誌其德修文廟葺湯陵百廢畢舉鑿河之役民爭助之報完最早又擒獲大盜花世虎韓國順等二十餘起毫賴以安當事者見忌移滇之南安入滇即值鳳賊鴟張彝羅響應郡治無城亟興版築城成而賊至督兵禦之揮刃馳馬身先士卒流矢中其股裹瘡奮擊擒獲渠魁那珠者哥

斬首八百四十級餘悉潰散自是不敢復至州有礦稅每患縮額貞力額釐剔解數遂溢又以其餘補數年贖緩之款兩院上其功得獎遷貳守思南乃黔巖郡苗彝錯處為陳八議以撫之議題而罷貞凡三任所至民悅所去民思其德政難以枚舉仲弟臯謨成進士擢御史亦多所建白父子兄弟並

祀莞邑鄉賢

據新安志修

陳向廷字儀翔燕村人大諫仲子博學能文萬曆二十五年丁酉舉人二十六年戊戌進士初授江南徽州府推官滌煩除苛百廢具興尋調漢陽丁外艱起補江西撫州府推官實心惠政民深感之建立生祠進士吳道南為之記庚戌擢大理寺評事癸丑陞本寺左寺副轉戶部福建司員外郎乙卯陞本部廣西司郎中尋陞山東提學副使卒年五十著有百

尺樓遺稿七卷行世據新安志修

曾盧桐字淡卿新橋人文庠冠軍與東莞前翰林張家玉為同窗友後佐張家玉軍與陳文豹同殉節時年二十八歲據新安志修

新安志修

陳文豹字御赤南山鄉人分居西鄉順治丙戌三年總督佟

養甲入粵文豹募兵保境丁亥四年三月毀家佐張家玉軍

取新安襲東莞六月大兵至戰于赤崗山下死之據同上

李顏子花縣郭塘鎮人元末不仕抱道自守時寇盜蜂起民

不安生顏子築郭塘鎮捍賊一方賴安及何真據廣以策干

之真愛其才留置幕府真之歸附多協贊力焉有復何左丞

書詞義凜然至今郭塘鎮址猶存據金通志修

李瑤揚武都人郝志作南海恐誤按揚武都屬番禺後割揚武都之何嶺李溪陂二堡隸花縣少負

奇志視躬以禮宏治間由監生授孝感丞署應城縣遇旱上

疏請蠲民租復署孝感令築城有方民不告勞番禺令王澄

瑤所造士也瑤歸澄敬事之而未嘗干謁答以詩有犬眠籬

外花當徑之句為人傳誦據金通志修

張大猷字元敬嘉靖元年壬午舉鄉試第一三十五年丙辰

成進士授工部主事差視徐州洪開河決總河尚書欲改故

道大猷爭之不得疏條十議而尚書所治河究無功大猷歎

曰河固未可力爭也築防疏壅水漸底平踰年水益橫守臣

窮於策大猷乃齋戒請禱俄而水却徐人德之為建祠祀事

聞奉璽書褒榮後以忤權貴調判鄭州遷大名通判吉安同

知皆有惠政擢雲南提學卒仕宦十載囊橐蕭然貧交待其

舉火者甚眾有友人遣女資粧不辦以告大猷曰第飲即辦

悉坐上蓋箏又出幃褥贈之其豪放類此嘗著文章原委諸

編何鐘序而傳之據花縣志修

李浩生而父歿其母劉以節孝聞浩事之孝謹及長教授以

供菽水年三十貧不能娶里人歐陽光慕其行以女妻之未

幾浩卒妻守貞事姑曲盡婦道隆慶五年御史楊標列狀以

聞旌曰節孝之門據花縣志修

徐龍禎字騰九橫潭人明本鄉試題名作南海人見南海志又見番禺志云夏園人家貧

力學博通經史妻湯氏以紡績佐之崇正六年癸酉舉于鄉

初授福甯州知州累官禮部儀制司員外卒年六十七為人

沈靜有志節當公車時嘗為闖賊李自成所執不屈及居鄉

遇歲饑設法賑救存活甚眾據花縣志修以上花縣

謹案花縣明時未建縣皆南海番禺人也阮通志收

此四人張府志又有張大猷一人仍之餘則分見于

各縣焉

南海李徵爵分纂

番禺史悠履初校

番禺史悠乾再校

番禺金佑基三校

南海顏以湘四校

廣州府志卷一百二十七終

廣州府志卷一百二十八

列傳十七

國朝 南海

程可則

梁珮蘭

何惟深

黃士貴

招國璘

黃元龍

黃挺賢

陳崇謙

勞狎子仁

吳文煒

黃樞

李瑜焜父桐

鍾元輔

曾士蘭胡天貺

何夢瑤

梁易簡姪昌聖

陳如錫

何如滢

馮成修祖肖孟

勞孝輿子潼

陳炎宗

馮慈

陳鶴翔

馮毓桂

關廷牧

族子上謀

馮友準

區大登

霍時茂

黃虞

馮成

馮經

黃賢

游際泰

胡珽

馮本泰

顏惇恪

陳鴻賓

父大智

謝蘭生

父景卿 族祖銓

李可蕃

兄可端

林紹光

從兄龍光

崔槐

黃憲臣

李可瓊

霍永清

羅秉錫

國朝

程可則字周量南海人明道十八世孫其先世自河南遷南海之大同堡父遷治毛詩教授生徒可則十歲能文有神童之目順治辛卯舉人壬辰會試第一以磨勘不得與殿試而可則益沈酣經史庚子春應閣試授內閣撰文中書尋改內秘書院辛丑賈

詔頒賜山東已酉以戶部主事分校北闈晉員外郎督理右翼倉務公慎稱職辛亥陞兵部職方郎中奉

命往山西勘問總兵趙良棟白其寃癸丑出知桂林府會檄撤藩部歸京師百務紛拏可則以敏幹稱尋卒于任可則詩文名世與穎川劉體仁長洲汪琬新城王士正齊名所著有

海日堂集選集樓詩草萍花草據郝通志南海志修

梁佩蘭號藥亭童時日記數千言通五經百家之學順治丁

酉鄉試第一時年二十六詩名已播海內康熙戊辰成進士

改庶常年已六十矣散館授知縣不赴選假還流覽名山與

諸名宿唱酬主持風雅新城王士正秀水朱彝尊吳江潘耒

皆推重之著六瑩堂詩前後集文集各若干卷據張府志南海志修

何惟澡字雪堂順治丁酉舉人康熙二十四年知溧陽縣事

詩海作濮陽誤為人耿介而性愛儒雅簿書聽斷之暇即延士講論

文藝人亦莫敢干以私選醉餘齋文集一時傳誦之二十七

年被劾歸著有平陵草爭笑軒集據溧陽縣志粵東詩海修

黃士貴字璧仲祖文秀明天順舉人歷官廣西兵備副使士

貴崇禎壬午舉人登順治戊戌進士授深澤令廉介慈惠邑

故多水患乃疏鑿溝洫以衛民廬尤留意學校尋卒於官貧

無以殮士民賻助歸其櫬焉據南海志張府志修

招國璘字朝鼎草場堡人少貧刺船為業負瞻畧膂力絕人

康熙十五年投徐司馬軍於韶州征信豐定南諸賊有功授

千戶隨征永州擢遊擊平南親王尚可喜授劄征嶺右首討

梧州適廣西總兵譚昇與賊相拒於三合嘴官軍困逼國璘

死戰為士卒先圍遂解轉戰復捷賊大潰蒼梧鬱林平撫蠻

滅寇將軍傅宏烈命權都督僉事乘勝復柳橫藤貴四州縣

城隨平南將軍賴塔進征雲南與貝子章泰為應援兵至滇

城同副將林桂高楊等虜偽周將洪文達進擊馬三保掩殺

馬三成盡降其黨功上晉階榮祿大夫留鎮廣西全州尋移

貴州安籠總兵久之卒於官據南海志修

黃元龍蟠岡堡人以勇力投効總督標下康熙十八年從軍廣西恢復武宣柳州總督金光祖遴其能命隨大將軍賴塔征雲南二十年正月元日破石門坎奪其隘復貴州安籠所城二月抵黃草壩生擒偽將詹王等獲象五進兵雲南城外元龍往偵形勢與賊遇掩殺甚眾奪糧而回五月奉檄馳運安籠所火藥回營策應攻城獲馬寶奪紅廟杏花府銀錠山諸險以築礮臺十二月克復雲南省城叙功授隨征守備加署都督同知割三十五年征羅定州懷鄉山賊陣破子顯德

廕把總據南海志修

黃挺賢字純衷賦性醇篤以利濟為心隱居小橋鄉枕橫岡海有大橋圯壞民病涉挺賢修復之施茗掩骼為善不計貲而深自晦匿故為賢云據阮通志修

陳崇謙字自牧八歲能文威儀整肅少孤事母以孝聞母歿時以千金與之家人不知也崇謙殯葬訖即以公諸兄與兄分產膏腴咸推兄自居屋一椽僅蔽風雨屋後有冶容桃之不為動增高其墻以拒之十七補邑庠文戰不售年四十即

隱居鄉落讀書自娛據郝通志修

勞翀字景雲魁岡堡人貢生性孝友遠理學康熙二十一年授廣甯教諭構博文約禮二齋覈士勤惰會海寇內攘翀作書詳諭招其子弟投戈講藝悍氣遂醇擢高州府教授高當兵燹兵佔學舍翀力清之并葺圯陋恭刊

聖祖訓飭士子文人予一通朝夕講貫責以躬行士知淬厲知府鄭梁重其學行將登薦牘以憂去不果服闋補韶州教誘孜孜士皆景附復丁內艱歸時邑有水災傾橐以賑全活

三百餘家再補瓊州海外聞其名慶得師未幾卒於官祀鄉賢著有他山集遺安堂稿子仁能世其家任乳源教諭歿有

遺愛

據郝通志修

吳文煒原名章字山帶大圃人舉康熙癸酉鄉試文煒七八歲時能畫地作人物花竹十歲即能詩初效李長吉體矜奇嗜險後乃軌於正秀水朱彝尊遊粵將歸文煒作墨卷子贈其行並題句云未得便留山屐駐羅浮晴看紫龍葱論者咸謂不減徐文長風韻也嘗與彝尊及諸勝流燕集五層樓賦詩家藏書甚富著有金茅山堂詩集

據粵臺徵雅錄獨漉堂文集修

黃樞字元泰捕屬人康熙庚午鄉薦選雲南祿豐縣充皮子同考官所薦多知名石屏州張漢由檢討其一也祿豐素稱難治前令鮮滿秩去樞下車興利除害平反獄訟輿情帖服

縣多曠土游民樞刊蠶桑要法繪圖導之祿豐男女知蠶桑

自樞始在職五年強項不為上官喜遽謝事退民立去思碑

頌之卒年八十六次子同雍正乙卯舉人

據雁塔題名錄採訪冊修

李瑜焜字遠瑕霧岡村人父桐字方叔任俠好施由吏員宰

江西崇義有政聲瑜焜聰穎絕倫入塾五載四書五經三傳

唐宋八大家古文背誦不遺能闡解大旨年二十由陽山籍

補諸生食餼幼隨父任定省侍奉如成人長則講求義理之

學謹持矩矱學者稱紫山先生庶母無子事之若生我外祖

貧歿絕嗣無期功親為置祭田謀於疏屬舅氏擇賢入繼康

熙三十六年丁丑亢旱斗米三百錢鄉鄰資以舉火存活無

算久之充歲貢銓揭陽訓導以敦行實學勵士貧不自給者

輒量飲薪水學宮有濟濟亭三星門久圯割俸修復司鐸十

四年士風丕變揭陽屢遭荒歉瑜焜為請於縣令協力襄賑民免於饑士民刻碑頌遺愛年七十卒邑人請祀鄉賢三子

至歲貢生

據馮公侯撰墓誌李氏家譜修

鍾元輔字家千扶南堡人

阮通志作字扶南誤

父鳳儀有至行鄉人稱

為鍾孝子元輔由新會籍補諸生康熙辛卯舉人辛丑進士

南歸與新會胡大靈皖城謝禹翹講學大通寺雍正四年選

山西懷仁縣懷仁邊地民鮮習農功女紅元輔至教之紡績

貨之五種游民復業決積年疑獄院司以為能委攝大同通

判捐俸代完民欠移渾源州杖斃豪猾四人奸宄屏蹟因竊

案誣誤謝事去巡撫石麟疏薦其通達治體兼精岐黃復原

官供奉內廷越月進藥有效擢戶部員外郎兼管太醫院使

事

賜第韓家潭景山門二區

詔置臣送其母入都年老不行有獲貂白金之賜遷郎中轉

禮部上疏陳廣東鹽法十三年丁母憂南還踰年卒年五十

四著有鍾司徒集子上尊乾隆丙辰舉人

據南海志修

曾士蘭字佩芳九江堡人由順德籍補諸生康熙五十二年

癸巳特科以五經卷領鄉薦

時功令專經取士頭場四書文三篇本經四篇二場判六道表

一論一三場策五道若習五經卷頭場四書

文三篇五經文二十篇故有五經魁之稱 雍正十年壬子

聘廣西鄉試同考官試竣會試謁選授江西崇義尋調樂安

並多惠政大學士高安朱軾嘗手書百里春風榮錦樹一簾

秋月映冰壺楹帖貽之士蘭治縣清操自勵問民疾苦去之

惟力民感德獻冠服上壽表衣綴禮前後際刺繡雅詩樂只

君子民之父母旬餘裏衣裙袖鍼帶璀璨皆士民姓字也及

謝事復留靴誌遺愛焉卒年七十三子廷舉孫幹貞並副榜
同時胡天貺者字夏溪夏教堡人八歲能文十四列諸生十
九食廩餼領康熙己卯鄉薦出宰福建尤溪兼理大田縣事
有政聲以憂去職士庶戀之獻萬民袍以餞據南海志修

何夢瑤字報之雲津堡人年二十九受知學使惠士奇稱惠
門四俊雍正己酉拔貢領鄉薦庚戌成進士分發廣西大府
耳其名至則令修省志歷宰義甯陽朔岑溪思恩擢奉天遼
陽州尋引疾歸夢瑤治獄明慎義甯民挺傷所識奪其牛夢
瑤援新例論成巡撫駁改大辟三駁不從巡撫怒牒部請決
部如夢瑤議上官自是服其能大灘獠民地距義甯治數百
里與懷遠縣斗江中尚獠仇殺數十年深箐疊嶂官吏莫敢
至夢瑤莅任親往諭釋相度金錢隘為兩地衝請設兵防守

獠民械鬪迺絕在岑溪地僻政簡乃大修縣志大吏將以鴻
博薦辭不赴在思恩城守朱某以獠民王某密首七里半聚
賊千餘期以日暮攻城請急牒郡發兵夢瑤不可朱又請遣
家口先避召百姓入保夢瑤曰府遠請兵緩不及事且城土
垣高不踰仞官眷一去人將鳥獸散是先去以為民望也吾
與若有守土責賊至惟有一死耳是時家人竊聽皆哭夢瑤
叱止之乃召王至問賊狀王出一紙列首賊姓名十餘遽命
戶書人以玉紙付之曰此欠戶可速遣役檄追戶書聘胎曰
此皆殷戶也開徵已畢輸無容再催夢瑤笑曰吾別有事問
姑速呼至役捧檄去朱怪其緩視夢瑤曰若輩皆富人王有
求弗獲以此誣陷耳明日至當知朱曰若今夜何夢瑤笑曰
若輩真反已在中途役往必遇遇必馳報吾將為君再計明

日七里半民至則皆良民朱乃愧服時疫氣流行立方救療多所全活制府策楞下其方於各邑比去縣因歲歉賠倉穀三百石貸舟車費乃東歸牧遼陽兩載不名一錢歸而懸壺自給大府聘主端溪粵秀越華書院講席肇慶府吳繩年聘修府志因自稱研農富於著述已梓者菊芳園詩鈔莊子故賡和錄制義焚餘醫編婦嬰痘三科輯要傷寒論近言胡金竹梅花四體詩箋大沙古蹟詩未梓者菊芳園文鈔皇極經世易知錄移橙餘話紫棉樓樂府紺山醫案針灸吹雲集算迪三角輯要比例尺解秋旬金錢隘紀聞羅浮夢煖金盒菊芳園詩續鈔卒年七十二

據何迎春沙村研農年紀注粵臺徵雅錄阮通志採訪冊修

梁易簡字式章碧霞鄉人雍正乙卯鄉薦乾隆四年舉孝廉方正授山西榮河知縣丁外艱起補河南澠池居職五載葺

廣舍設義學修圖經均輸平價庶務具舉時金川用兵督師領京營兵進剿運饌運礮悉道澠池易簡殫力集事大兵凱還以軍功調繁永城去澠日民為立去思碑永城錢糧五萬兩歲輸不完半書役互結為姦易簡視事半月廉其弊悉收書役牒院司嚴治中飽者刻期追賠弊遂絕十五年

高宗祭告嵩嶽巡撫調易簡祥符縣總辦大差巡撫上其能賜蟒袍一襲晉鄭州協辦河北武陽隄工績甫成以內憂去服闋復莅河南權開封同知兼署盧氏縣事大兵剿巴里坤易簡辦兵差如在澠池二十二年正月補禹州抵任即奉檄永城商邱勘賑水災多所存活州東油店被毒致死者二人致病者四人店民首張甲所為易簡疑之禱城隍廟三日獲主罪者民頌神助十月移信陽州是歲豫省開歸陳許汝五

府州被水災

欽差與巡撫履視地勢開河數十道內幹河四道直抵江南
 洪澤湖以殺河勢杞縣河八千六百餘丈易簡至信十日馳
 辦杞河三之一半載畢工復調洛陽辦赴巴官兵驛站易簡
 勤於讞獄信陽犬牙地湖北應山縣有盜案一年不獲易簡
 以餘力代偵獲之書役畏憚二十四年五月巡撫行部辦差
 者假立雜費名色書諸籍以索供張易簡得籍緘白巡撫請
 罪書籍者巡撫憾之二十五年正月以驛馬疲瘦牌甲缺漏
 掛彈章易簡怡然單車返粵士民餞之者三十里謂真孝廉
 方正云卒年六十八著有迎鑾草子基聖乾隆戊申舉人姪
 昌聖乾隆己卯舉人辛巳進士選江蘇江浦縣庚寅辛卯兩
 充江南同考官調震澤震澤賦重昌聖在職三年催科完全

遷晉州以病去職昌聖精訊讞不事拷撲命案疑獄院司輒

委昌聖多所洗雪方遷晉州上官薦幕客屢薦不受上官銜

之多困以別屬事昌聖赴勘必成讞而返終無能中傷之也

年八十五卒著碧霞詩鈔菊芳園詩箋據牛霞自序年譜樵

陳如錫字德光由明經授始興教諭遷浙江遂昌知縣遂邑

僻處山中民困水旱多逋負如錫憐之以他項抵解因是落

職既罷貧無所資民爭餽錢米及其歸也致贖者盈戶如錫

辭以劉寵故事對眾請益力乃受車發士民皆攀轅泣下如

錫題詩為謝有徹骨何須悔一官句歸家後益困惟寄情於

詩年七十四卒子應樞歲貢生據張府志修

何如澹字建則鎮滬堡人雍正癸丑進士初任山東冠氏令

調長清後任河南新鄭令陶士類課農桑息訟獄所至多善

政其在冠氏也縣舊有枯河南接直隸元城北抵館陶兩至
 從陶館下流注洩初不為害前攝令役民塞之冠民始病如
 澗到官數以開復請未決會衛河水漲元城人決衛河入枯
 河以殺其勢下流壅不能容遂致氾濫館陶下流驟潰勢乃
 頓減於是復以為請永不堵塞民賴以安其在新鄭遇抽撥
 驛騎協築堤工諸役悉以自任毫不擾民解綬歸開門教授
 負笈之士駢肩接踵晚年德望益崇粵中耆舊哀然稱首夙
 研經學尤邃於四子書義著有自得錄十卷續錄一卷讀易
 日鈔十二卷詩一卷據粵臺徵雅錄南海志修

惟謹每語及其父輒涕泗交頤益奮學長而文行兼飭舉乾
 隆丙辰鄉試己未成進士選庶常散館改吏部主事遷文選
 司員外郎充庚午福建副考官晉禮部祠祭司郎中癸酉復
 典試四川己卯督學貴州揭條約十四則以訓士巡試所至
 諄諄講實學正文風復陳奏學政事宜五條其禁止命題割
 截免勘童生試卷二事

上採用之旋

名回京成修初舉於鄉計偕途次卽徧訪其父踪跡得官後
 兩次乞假尋親卒無所遇以故一生隱痛無心通顯年六十
 一假歸遂不出掌教粵秀越華書院授經里中粹然師範受
 業者率數百人年八十計其父已百有一齡乃持服三年終
 身衣布性耿介不事干謁月吉外未嘗輕投刺當道惟關桑

梓利病則毅然言之乙卯重宴鹿鳴逾年卒壽九十有五著有文基文式養正要規學庸集要人生必讀書纂要諸書崇

祀鄉賢

據勞潼撰年譜馮應榴撰墓誌修

勞孝輿字阮齋祖狝父仁自有傳孝輿雍正乙卯拔貢少好遊渡瓊海登羅浮著作日富受知學使惠士奇與何夢瑤羅天尺蘇珥齊名世稱惠門四君子雍正庚戌

詔修一統志孝輿與纂粵乘發凡起例多出其手乾隆元年丙辰舉博學宏詞

召試未用旋出為黔宰時苗亂初靖有屯田之役始經理三堡遂入山苗由二嶺至山婆踰圭翁斗巴直達琴台措置八堡屯田足繭萬山者七月將去屯之民蟻行盤路而下攀轅致謝歷任錦屏清鎮龍泉清溪畢節諸邑不名一錢遷鎮遠

卒於官著有阮齋文鈔四卷詩鈔六卷春秋詩話讀杜識餘子潼字莪野乾隆乙酉舉人受知武進劉星燁大興翁方綱餘姚盧文弼得名最早事母孝不再應禮闈以引獎後進為已任常言讀孔子書得一言曰務民之義讀孟子書得一言曰強為善而已矣讀朱子書得一言曰切已體察其敬恤宗親倡率鄉黨備賑義舉皆有成績丙午丁未薦饑賴以存活無算著有四書擇粹孝經考異選註救荒備覽荷經堂古文詩稿道光中祀鄉賢據阮通志南海志修

陳炎宗字文樵佛山人父清潔康熙甲午舉人炎宗少孤聰穎邁倫乾隆辛酉領鄉薦戊辰成進士館選後告歸居家三十年主講嶺南義學性孤介恬淡非公事無一刺及長吏大學士陳大受戊辰會試總裁也來制兩粵炎宗一謁不再至

嘗搜羅佛山文獻輯為鄉志識者稱其簡而有章生平為詩文未嘗屬稿揮成輒為人持去故多散佚其卒也大興朱珪

表其墓云

據勞作拱撰
陳庶常傳修

馮慈字子持簡村堡人幼孤力學乾隆甲子舉人辛未進士出宰浙江縉雲下車謁學宮憫殿廡剝落捐俸倡修蒞事一月清積贖五百餘起能聲大噪以供應失上官意庚辰去職

壬午

翠華南幸巡撫委慈辦大差奉

旨留浙効力癸未權判温州温有米行歲稍不熟卽閉囤昂價民訴於慈慈召父老議章程可久行者詳革其弊甲申復辦大差乙酉權台州同知去温日民繪恩留百世圖贈行比至台偵治結黨械鬪渠首四人悍民屏跡復度地倡建書院

以興文教丙戌攝歸安歸安繁劇甲於浙慈至無留贖四月移龍游縣屬多山產木及笋有友興土木謁慈發官價求木拒不應前令買冬笋供餽常至五百擔慈在職僅買四十擔凡供億皆裁以禮嘗因畫諾詔子曰堂上一點紅村中一家血縣官尺檄不可輕易不也以疾謝事卒於浙年四十八著有大有野集子觀音乾隆丙午科舉人

據南海志修

陳鶴翔字蠹善鹽步堡人乾隆丙子鄉薦仕校官遷縣令補直隸廣平調三河署薊州其宰廣平之明年漳河決奉

旨撥東米賑災鶴翔親檢丁戶悉祛夙弊粒皆及民又明年躬率夫役於決口築堤以工代賑凡捐俸二千餘金口三台三決鶴翔哭禱於河曰再不合縣令有赴河死耳堤旁觀者踴躍助之口遂合而堤成堤長十餘里植柳數千株民呼堤

曰陳公堤柳曰陳公柳春秋祠事之鶴翔憐才慨然以千金

贈士迨落職歸貧不能辦舟車云

據南海志修

馮毓桂年十九居母喪三年未嘗見齒事繼母不異所生父

病劇毓桂誠禱越日果瘳授徒鄉塾三十年鄉里稱孝子以

諸生終

據阮通志修

關廷牧字叢桂九江堡人年十三失怙家甚貧母家資給之

益力學舉乾隆壬午鄉薦癸未進士辛卯銓順天甯河知縣

乙巳升北通州通與甯河密邇畿輔為

巡幸必經地廷牧歷辦大差恪勤周妥制府廉其能委兼理

順天東路同知事丙午升天津府同知以屬縣海盜案鑄三

級戊申改授廣西武緣縣尋卒廷牧勤於吏治初至甯河問

民所苦歲有供船運糧穀例力請院司革其弊縣催科無糧

長歲二月開徵書吏具檄縣官畫諾圖差捧檄追呼傳食鄉

井民益罷欠廷牧與紳耆約戶立戶長里立里長丁統於戶

戶統於里官坐堂皇點充定輸將期限里長歛地丁錢糧如

期赴縣治投櫃執槩親輸於官圖差中飽之路絕縣本寶坻

縣東南隅雍正九年始析置甯河為河澱朝宗逕道士人少

課誦地縣掌故附載寶坻縣志城西養濟院久圯於河北塘

西南路為南北孔道逢潮汐途輒梗廷牧莅任築北塘疊道

十里架石橋通河流復養濟院舊址建渠梁書院創始甯河

圖經興革乃大備辛丑廷牧族兄某赴武公車道武清憩樹

下鄉民程某詢為甯河官親延至家供饌甚豐廳事中木榻

金書廷牧銜名某訝問故則程有寃獄廷牧覆獻與昭雪所

以報也比遷通州士民攀送數十里多感泣者通州衝要甲

天下廷牧日辦差務夜燭治官書恒冠帶徹曙期月以勞除
天津值米價昂貴查封囤積勸平糶民以不饑左遷武緣轄
六土司多積案廷牧勤審決視事僅匝歲數年留獄為之清
以不服水土病歿士民哭臨累日年五十二子熊官四川述
易司巡檢族子上謀字南棠乾隆辛卯舉人辛丑宰山西稷
山治縣十六年政尚簡靜城內武生某夜殺史姓一家十命
駛匿去莫知兇首鄰里駭竄上謀密攝真兇誅之無所牽累
民間供應陋規裁革務盡歷辦五臺蘭州川楚差務皆躬親
集事未嘗勒派擾民嘉慶戊午遷浙江甯波同知士民餞踰
境外醵金三千兩助盤費上謀却之去後民建生祠祝焉卒
年七十九著有雙榕堂詩集據陳其焜撰行狀
雙榕堂集傳畧修

馮友準字衡石補屬人篤天性父病以身代禱弗愈復以妻

子禱乃瘳乾隆三十年乙酉領鄉薦癸丑謁選得河南洧川
洧川中州美缺所知為友準賀友準竟改教職補化州學正
學署將領生童謀葺之友準曰文廟頽廢吾為校官不能治
而自飾官舍不可乃捐俸倡修士民咸踴躍事遂集友準學
以宋五子為歸教人以變化氣質為主尤服膺陸隴其困勉
錄謂學問思辨隱約可尋篤行一條惜未竟其緒因採松陽
講義綴以反身錄作篤行補著詩序存醇春秋提要二卷年
七十無疾卒於官歸櫬日送者鄰邑咸會子之顯嘉慶戊寅
舉人孫徵熊庚午舉人據勞莪野文
鈔南海志修

區大登字台府先登堡人少孤力學嘗與陳汪刻燭試誦儀
禮十數葉不遺一字乾隆乙酉領鄉薦選廣西博白縣知縣
地瘠民頑號難治大登甫下車偵知了山墟盜角立數寨聚

黨至千百人為邑劇患以計令盜自相攻誘擒渠魁博民肅然聽獄為粵語折辨不事鈞距囚伏罪無怨者嘉慶丙辰辦軍需稽糧起役嚴懲勒索胥吏不得逞己未護州篆兼理陸川事洗雪刦案冤獄博陸犬牙地多虎大登行部度嶺宿虎王廟午夜號聲出林薄從人股慄大登揖告於神廟外虎嘯遁踰歲伴過其地詢村叟謂虎患自此息云庚申謝撫軍察賢合州牧以大登聞撫軍欲調天保題升大登以年老辭壬戌去職士民贖餞者數十里大登仁厚廉節為學恪守程朱初上公車不第授徒養母母卒三年不入內寢服闋始仕致仕日年已七十猶授徒前後講學垂五十年弟子數千多所成就卒年七十八歲

據區先登撰行狀南海志修

霍時茂號諫果深村堡人乾隆乙酉舉人與順德梁泉為忘

年交壬辰偕試禮闈歸至南旺聞泉病亟囑時茂曰君能歸我骨無所憾惟著撰積巾箱不及訂梓斯耿耿耳時茂慨然為之挈柩歸並序遺稿屬其孫梓之辛丑以大挑知縣分發廣西初署修仁發奸摘伏闔境肅然補來賓毀淫祠為義學增膏火而尤以節省塘夫為亟塘夫為廣西虐政嘉慶五年御史張鵬展奏禁實時茂倡其議也調上林創建鼓江河石橋以利涉署雒容三月推升大名通判而時茂已謝病歸矣時茂雖久歷簿書而不廢講業歷充癸卯己酉同考官所取多知名士家居二十餘載主豐湖書院講席七年復居省授徒十年壽九十卒著有博議文闕莊子鈔及雨旣堂雜著懸車近藝據採訪冊修

黃虞字狝漢沙頭堡人乾隆三十五年庚寅科舉人大挑分

發直隸攝篆肅甯肅甯故窮縣虞蔬食治事民安之旋署香
河香河薪米魚肉蔬果悉有官價虞始至却供應召市魁諭
照民價買賣視事五越月訟獄端平補甯津民遮留不得則
留靴置城樓上示不忘云莅甯津六年絕苞苴勤聽訟胥役
催科無敢叫囂驅突者民大服以報兩忤上官意撤任或訛
言虞因虧空罷民相率醵金助虞至省垣值虞進謁布政使
民全集藩署大呼請大人還我縣父母司閭呵止眾呼益切
厲聲徹內署布政使遽令退虞出慰諭曰上官非罪我不久
我即回矣民踴躍跪諾紛紛贈虞金却之不聽咸委金去虞
命吏籍記之餘三千兩時適修保定城垣虞盡輸其金助工
費上官廉虞賢迺復職而離任已四月餘矣還縣日老幼歡
呼焚香迎之謝事去送亦如之虞素嗜易解組林下為鄉族

倚重者二十餘年九十三乃卒人謂得易謙恒之義云長孫

亨道光辛卯科舉人

據譚瑀撰行狀馬福安撰墓誌銘郭汝良撰墓誌跋後修

馮城字子維九江堡人家貧尚氣節嗜書史少即能詩弱冠
有聲壇坫與順德張錦芳胡亦常黎簡欽州馮敏昌齊名乾
隆三十四年庚寅領鄉薦丁未挑發湖南補永興縣巡撫姜
晟器重之調善化分校乙卯鄉闈時方征苗委辦軍需所撰
從軍諸什風格迫杜甫然未嘗以吟咏廢事也叙功應升以
忤布政使鄭某引疾歸里適姜晉直隸總督鄭遂追劾城在
任加增穀價分賠銀數千兩籍其家無所得姜聞之代完過
半餘俟城補官完繳旋起補善化賠弗克完士民聯籲院代
輸不得請遂呈吏部議城鄉薦後猶手抄九經文宗漢魏詩
以李杜韓蘇為的兼工八法學使翁方綱主師陸應熊咸期

以大器既而屈志簿書聲譽滿湘楚間落職旅居求詩文索書者不絕士民欣助資斧者歲相繼也卒年七十四著有左傳批竅三史精華七書摘萃五律天龍七律翻新傳經堂詩

鈔文鈔諸書

據馮敏昌撰傳經堂詩鈔序修

馮經字世則捕屬人乾隆三十五年庚寅舉於鄉官教諭其學覃精鄭孔而立身行已耄耋焉規仿關閩初甚拘苦後讀詩至衡門之下章怡然曰此君子素位不願外之說也孔顏樂處豈外求哉授徒三十年經經講說不倦來學之士至解舍不能容卒年七十八著有四書學解周易畧解詩經書經畧解攷工記注羣經互解算畧等書皆萃儒先貫通其說而尤邃於易其釋卦象以十翼為據釋爻辭以彖辭為本河洛之數以周髀經為宗而旁及於筆算籌算隨手指畫不差

抄忽云

據阮通志修

黃賢字毓豪興賢堡人舉乾隆三十六年辛卯貢士登四十年戊戌進士戊申銓湖南桂陽令桂俗刁悍吏胥藉命案誣引富民必破其產事乃白名曰油火案賢嚴懲以反坐吏民肅然守城弁與武生有憾自壞城門鎖鑰誣武生兵劫賢驗為先壞莖而後及鑰坐弁罪調署安仁比回任道過彬州桂民寓彬者要贖於路却不受在職數年桂人歌頌之旋為忌者所中以呈誤改教職桂人餞送不絕卒年五十五

撰墓表南

海志修

游際泰字階符蠡岡堡人乾隆三十六年辛卯領鄉薦辛丑挑發四川宰南部勤慎自矢分纂四川省志四充同考官所薦拔皆知名癸卯委管西藏巴塘糧務撫諸蠻以誠蠻人愛

之以父憂去職蠻人泣送者萬計川俗以未成童之子娶已及笄之女名小接童媳弊端蠹起厲禁弗變際泰莅南部日以俚語作歌折其害反覆再三民讀之皆感泣曰縣父母說得是陋俗遂革著太平邊備雲棧詩鈔藏於家子蒼玉嘉慶

二十三年戊寅科舉人

據舒翼鵬撰行狀南海志修

胡珽字卓廷九江堡人領乾隆四十二年丁酉鄉薦四十九年甲辰權肇慶府教授己酉某生未終喪欲以出嗣改學籍考拔貢厚餌珽珽拒之補石城教諭石城士不赴鹿鳴宴者六十年珽進諸生親教之次年為嘉慶戊午門下生文在中即舉於鄉自此石城科名頓起先是辛丑臨川李湖撫粵檄郡縣窮治盜匪諭鄉舉保正官給照牒當是時羣兇走險盜魁蘇某尤為民患縣尹徐與蕃倚辦於珽珽誘至鄉約縛之

其黨意為營兵所得率百餘人來奪知計出珽各震慄逃散解組後憫鄉中公費之缺或議復魚花埠承陞西海沙田珽不可獨定地倡建絲市歲藉其租供鄉人士文課至今賴利珽既歿魚埠沙田之訟十數年未已同人咸愧其識焉

據南海志修

馮本泰以字行別字堯階沙頭堡人少倜儻不羈嘉慶六年辛酉舉人十年乙丑成進士鄉居需次選保正丰裁凜然遠近憚服凡興利除害本泰決而行者輒有效磨炭基為沙頭九江大同犬牙區奸宄狙掠無虛月本泰倡三堡同志籲撫軍即其地建營汛剽掠遂息丙子選湖北南漳縣時八卦教匪初平餘黨散竄州縣奉令嚴治有富民被蜚語誣為教匪前令攝繫獄本泰檢牘疑焉弋獲造蜚語者立雪其冤府役

奉公事至縣怙勢偃蹇本泰呼隸杖之役奔訴郡守本泰亦
徑謁守白故守釋然本泰初未嘗引謝守語僚屬曰馮某真

強項令也年四十四因疾告假卒於漢口據南海志修

顏惇恪原名斯紱字詒兼捕屬繡衣坊人少孤事嫡母以孝

謹聞乾隆四十八年癸卯舉人五十五年庚戌成進士官刑

曹告假省生母終養迺赴部丙寅補福建司主事惇恪任職

言呐呐如不能出而遇事能斷總辦秋審多所平反堂官倚

重之自奉儉約惟耽書畫名蹟賞心者不惜重貲購求尤喜

吟咏公餘即拈韻自娛每日趨直往返車中手未嘗釋卷也

丁卯卒於官著常惺惺齋詩集據南海志修

陳鴻賓字漸遠金利都人父大智號毅齋歲貢生家貧有至

性居父喪以毀失明鴻賓稟庭訓通五經三禮尤深於易舉

乾隆五十三年戊申鄉薦成五十五年庚戌進士南歸需次

自以八齡失恃事繼母惟謹父暮年善疾侍湯藥勿離於寢

父歿三年不入內籍記遺命晨夕省誦誦已輒泣撫弱弟怡

怡如也自父歿家益落授徒自給修內行彌力置日省錄日

有所為夜必書之時粵督大興相國朱珪悉鴻賓品學將舉

為孝廉方正鴻賓力辭不就議遂寢戊午卒年四十識者以

未試其學為憾著尚友堂詩集據尚友堂詩集序南海志修

謝蘭生字佩士麻奢堡人僑居捕屬素波巷父景卿字殿揚

縣諸生博雅嗜古能詩著有雞肋草篆刻直追秦漢能鑒別

古書畫真贋嘗選集漢印分韻四卷蘭生乾隆壬子舉人嘉

慶壬戌進士選庶吉士請假省親以父年老未散館丙寅父

歿遂絕意仕宦迭主粵秀越華端溪三書院講席道光元年

滇西程含章守廣州併穗城羊石珠江書院義學為羊城書院照三大書院章程刻於石聘蘭生為山長程公驟遷去廣州南海番禺校官籲學使令諸生歸本學錄遺不許羊城書院送考蘭生諭諸生曰羊城雖一郡書院然體制固當殊越諸郡且院司加季課與三大書院埒而錄遺不與則院司教養之澤隱矣遂郵書程公陳巔末踰年程公還撫粵復羊城書院錄遺章程遂著為例蘭生聰敏過人內承庭訓博通多能精時藝暮年悉焚其稿曰此僅足弋利祿不可傳酷嗜古文並時推為祭酒詩宗大蘇出入杜韓兩家八法專師顏魯公擘窠大字無出其右兼工繪事自詞館假歸流連山水揮毫灑翰風致清豪晚而好道嘗論濂溪主靜伊川靜坐朱子明心均不外主敬工夫歿前五年預書遺命喪葬事敦儉守

禮務革粵省奢汰之俗先是戊寅制府阮元修廣東通志蘭生與海康陳昌齊番禺劉彬華充總纂再修縣志蘭生發凡起例既定而卒年七十二著有常惺惺齋文集四卷詩集四卷北遊紀畧二卷次子念功道光壬午舉人蘭生族祖銓字衡峯廩貢生擅書名一時碑版多出其手初師歐顏柳董繼師二王皆神似其酷類米襄陽者則晚年筆也蘭生嘗自言得書訣於銓云

據王壺山房詩話南海志修

李可蕃字衍修豐華堡人僑居佛山父士震兄可端字凝修登嘉慶初元進士由檢討充辛酉會試同考官旋典試湖南太傅杜壻侍御鄒家燮方伯孔昭虔觀察倪琇皆出其門壬戌卒京邸年三十四可蕃領乾隆乙卯鄉薦嘉慶壬戌成進士選庶常授編修戊辰分校禮闈戊辰癸酉順天鄉試並充

同考官擢山西道御史升兵科掌印給事中巡視中城而兄可瓊復以乙丑進士授編修可蕃感激

國恩知無不言有中書屈廷鎮在乾清門外被賊狙剪貂裘表衣可蕃立以

聞守門大臣德麟因是奪貝子俸閉門思過權貴莫不悚憚嘉慶十五年粵東洋盜既投誠多不受約束可蕃奏曰近者粵東外洋雖已肅清而內河土匪時復竊發皆由營汛弁兵懈於巡緝並風聞投誠洋匪經奉文安插仍隨處逗留且有結連土匪在內河搶劫者若不嚴加稽察則日久玩生散而復聚不獨騷擾內河或復出洋爲盜查投誠之日按名安插有冊可稽請

旨敕該督撫飭屬嚴治土匪使新投者知警安插之首民嚴

加管束有復爲劫盜出洋者加等懲治其疎縱之地方員弁立予參劾報可十六年條陳粵東積弊四款一禁搶劫各犯借盜銷案一禁兵丁交匪以重城守一飭州船巡船實力巡緝一禁糧船入口弁丁索詐時洋匪初平民食未裕吏胥弁兵輒以訛索販私圖中飽自可蕃奏行其害頓減十八年逆匪林清滋事旣剿滅飭直省行保甲可蕃疏言臣風聞廣西省富川賀縣昭平各縣與湖南廣東交界之姑婆山金華廠等處有匪徒多人結拜天地會分頭行劫自嘉慶十八年九十等月連劫富川昭平賀縣各處村鄉市鎮事主或傷或斃地方官祇歸劫案輕辦並不究其黨眾拜會徹底查拏以致梧州肇慶等府亦有會匪於該處河面肆擾爲地方害至廣東省向有三合會匪自嘉慶十六七年曾獲伍維登嚴貴邱

等近聞廣肇各府仍有此會名目竊思廣州與肇慶毗連廣西之富賀等處一水可通而富川賀縣山連三省接近楚粵皆邊境險要之區賊匪拜會肆劫若不認真拏辦黨羽聯絡恐釀大患臣又聞廣東民人多有潛入天主教者緣粵省地近外洋香山澳門又為西洋人寄居以致易為煽惑至婦女入教更為風俗人心之害且奸人潛蹤轉相引誘生事之不可不防請

敕督撫飭屬將拜會人教各匪嚴密查辦并編查保甲互相稽察縱容之家長治以應得之罪文武兵役亦禁其索詐株連庶幾人知奉法地方靖而風俗端

上諭督撫飭屬窮治楚粵會匪不致蹈林清覆轍者可蕃此奏之力居多二十一年八月補湖南糧道甫至即入闈提調

別除夙弊士論翕然在職兩載院司擬保薦二十三年十月卒於官年四十八

據督撫檔冊佛山鄉志修

林紹光字延宗大江堡人生七十日而孤事節母以孝聞年十五補諸生五經史傳盡通有神童之目舉乾隆六十年乙卯鄉貢嘉慶元年連捷進士觀政戶部辦理軍需局錢法堂派管工部寶源局監督兢慎供職上官戴衢亨初彭齡咸倚重之出守湖北安陸屬邑多積案紹光甫視事昕夕督讞囚繫一空郡有蘭台書院久圯紹光捐廉倡修暇輒親進郡士講藝士大悅服預為粟主尸祝於書院紹光峻却乃止尋以誣誤左遷去士民焚香送者載塗卒年六十三從兄龍光字炳宗乾隆五十七年壬子鄉貢嘉慶辛酉大挑攝江蘇沐陽興水利民頌其績充丁卯同考官補青浦內艱去職起復補

鎮洋值大旱捐廉築塘工開小婁河灌民田引疾歸里民建祠縣治東祀之年六十二卒

據南海志修

崔槐字植庭沙頭堡人為諸生試輒冠其曹偶嘉慶五年庚申舉人十四年己巳進士授內閣中書充文淵閣檢校母憂去職授徒羊城從遊者數百人槐孝友篤實教人以立誠為宗酷嗜書畫蓄唐宋元明人真蹟甚富居恒無事展玩至夜分不輟在都時高簡沈默公餘閉門著述客至寒暄外常移時不交一語至論文及辨證書畫則豐豐終日丙子起復供職戊寅分校順天鄉闈疾作未揭曉卒年五十五著四書義易義最精核藏於家

據劉需撰家傳
廖朝撰傳畧修

黃憲臣以字行別字次臯豐甯堡人少孤貧嗜學嘉慶五年庚申領鄉薦戊辰謁挑分發山西權趙城革供應攝虞鄉有

富室恥婿貧欲易婚誣訟婿無賴賂媒灼毀婚帖憲臣鞠得情呼女至立予婿冠服在縣堂行合巹禮榮河韓城民互爭河灘淤田令各私其民積數十年不決上官檄憲臣平讞憲臣則躬履勘丈凡七往返力持其平兩縣罷訟題補萬泉分校壬午鄉闈捐俸修文廟設書院膏火嚴季課文風丕振有營卒弟負民逋民索之急卒拘民至營叢毆之憲臣聞之拘卒笞之付營弁梏其弟於縣庭慰遣民歸鹽賈藉緝私虐貧民憲臣為檄治賈賈走愬河東道某某素重憲臣卑書詞求解憲臣不可某卒以賈昇憲臣論如法治萬泉七年獄無死囚榜期徵稅民皆如期輸將無敢或後縣素患狼由鄉落蔓及城市憲臣在縣狼跡絕既去狼至如故姚祖同撫晉每稱憲臣為古循吏接見必欽欽下訪憲臣益謙挹人莫窺其際

萬泉丁樊村士人健訟梗化善持官府長短自憲臣蒞任凡有徵輸與作皆丁樊村士民爲之倡去縣日諸生耆老走送十里憲臣工詩宗法老杜著澹虛閣詩集輯靈石縣志卒年

六十五

據南海志修

李可瓊號石泉可蕃兄也嘉慶戊午舉人乙丑進士選庶吉士戊辰散館詩複三字再留學習己巳授職編修庚午山東副考官己卯會試同考官所取士如太師杜受田尙書孫瑞珍都御史王瑋慶布政使邵甲名皆負重望己卯擢思恩府知府思恩邊徼瘴地水土惡劣守令多寄寓賓州可瓊至則修城垣葺衙署奉母安居之時城外雖有買遷未設質庫民間不便會東商有以此關說者可瓊准其請而却其賄自是六屬皆有典商民稱便而東商尤德之可瓊亦借東商爲耳

目備悉土漢情形道光初大吏以治行卓著密保擢福建延建邵道未赴調浙江甯紹白道所轄三府海山叢錯號難治可瓊蒞任七年察吏安民恤商剔蠹綱維畢舉初抵任歲存饑知臺灣多米而穀舶出海有禁乃請制府招商給票俾從海外運至浙東告糴既通民以不餒浙省海關委道監收胥吏窟穴爲弊可瓊下令革陋規禁需索又檄營弁勤緝邏故海氛悉靖百貨流通慈谿埠商某捕私鹽甚苛民積忿相仇商以私梟結黨拒捕稟運司運司張皇請發兵可瓊曰鹽筴非吾事而地方安危守土責也倘因細故激大變商之肉其足食乎亟請止兵檄慈谿縣縛爲首數人訊釋之事立解俗惑青烏之說富者築室停棺貧者置棺道左雨淋日炙久多暴露可瓊傷之檄所屬尅日瘞埋無主者官爲安葬數月之

內人士不翅萬棺又多溺女可瓊行各屬嚴禁查育嬰堂有名無實者增經費設規條再為整頓全活孩幼無算時浙海中有洲曰南田地廣土腴物產充牣沿海居民樵採漁佃已成邨落可瓊力言於制府請仿玉環廳例設官撫治既得國課亦免盜糧此大利也制府以難於控馭議封禁可瓊爭之不得乃歎曰牧民者不為芸芸謀生計但為一官慮後患耶五年乙酉入闈提調八年兼署按察使以卓薦擢山東鹽運使東省鹹政廢弛可瓊莅任減供給杜苞苴剔姦私課稅漸有起色厥後虧空事發可瓊得不染是年丁生母憂解任而繼母張年八十餘可瓊亦六十餘矣依戀庭幃不復出生平情殷桑梓如修黃鼎司良鑿圍疏佛山沙腰河皆有成效然惡奔競為地方利害始謁吏庭否則望門裹足也臨終自知

時日先時拜謝君親別戚友而後正衣冠卒年八十一子應

棠池州府知府

據南海志修

霍永清字肇元瀾石人國子生好讀書通大義果敢有志氣嘉慶十三年戊辰海寇內竄大吏檄充保正己巳夏寇警日急永清語鄉人曰瀾石西接石灣東通順德登洲陳村賊瞬息可至佛山南海重鎮賊所垂涎惟恃瀾石障其東南瀾石破則佛山危矣小布雖順邑鄉落與瀾石夾水可資為援遂定計拒守請礮於官縣令飭巡司分紅單船五號助戰約小布為犄角扼賊不使西八月二十四日賊連巨艘數十由陳村直抵瀾石焚軍營緣南岸進鄉人洵懼永清令丁壯護老弱走避率勇及紅單船禦於村前戰竟日礮焰蔽空碎賊舵樓殲殺甚眾賊奪氣却逼小布小布中變不復出賊無後顧

憂明日復至擊之三戰三捷又引去至日中奸民導賊從村後掩入而聯艘以攻村前永清腹背受敵飛礮中股壯勇郭二欲負之逃永清叱曰吾等奉命擊賊逃將何往且吾未甚病毋恐也裹創再戰而賊來益眾永清然礮礮不發賊大至永清手刃數十人再中礮遂仆賊到其首棄之去同死者勇目梁近陳昌郭二張廣明鄧昭明五人賊以永清首懸之竿三日後鄉人往收之面尚如生事聞大吏遣官致祭鄉人爲立祠同治二年二月二十日入祀忠義孝弟祠據阮通志及勞崇光題稿

采訪冊修

羅秉錫龍津堡人事母至孝兄早卒撫兄子如己子出已產與兄子均分其子慶華慶光事嫡母能盡子職母患目疾久之遂瞽二子早晚哭泣祝天祈母目復明後其母瞽目重開

人以爲孝感所致嘉慶年間秉錫卒鄉人祀於龍津社學據阮通志修以上南海

南海李徵爵分纂 番禺史悠履初校 番禺史悠乾再校
番禺金佑基三校 南海顏以湘四校
廣州府志卷一百二十八終

廣州府志卷一百二十九

列傳十八

國朝 南海

鄧士憲

吳榮光

弟彌光 子尙志

區玉章

廖姓

子慶謀

梁序鏞

何文綺

潘光岳

倪濟遠

招子庸

族人廣濤 廣濤子仲敷

孔繼勳

羅文俊

廖翱

方紳亮

吳林光

桂文燿

祖鴻

馮錫鏞

黃其表

徐台英

梁紹獻

招敬常

陳信民

譚瑩

顏薰

梁玉森

李保孺

林彭年

伍崇曜

鄒伯奇

康熊飛

李徵壽

國朝

鄧士憲號鑒堂沙頭堡大坑村人乾隆己酉舉人嘉慶壬戌進士選庶吉士散館改兵部主事遞升武選司郎中二十一年授雲南臨安府知府先是倭寇高羅衣聚眾劫掠當道惟事招撫寇益肆至是餘黨汪萬順推羅衣兄子高老五為魁謀攻府城士憲知之申大府請兵賊屯聚狗階號十萬距城四十里商民大震士憲派兵守險親督丁壯巡城大兵至擊賊大敗始就撫二十三年調貴州大定府府本水西蠻改土

歸流民頑俗悍士憲欲變以華風乃飾學宮興義學捐廉延師以訓子弟郡人以累科不與賓興議遷郡學士憲曰諸生行周孔之道誦周孔之言科名將自至但乞靈于土壤志士不為也卒不遷道光元年獲解一人魁二人二年魁四人會試有成進士者前此所未有也郡有錢局鼓鑄歲三十六卯奸人居為利藪士憲欲停鼓鑄而兵餉需錢搭放乃限一年鑄兩年之錢日既迫不至遷延滋弊會調思南署任者惑吏言再開鼓鑄由是山谷私鑄朋興奸民羅二嘯聚黨徒謀攻郡縣值士憲回任飭兵役縛首從二十餘人人心始靖在任七年加道銜以迴避布政使吳榮光調雲南開化府補普洱府署迤南道府界緬甸所屬車里土司刁繩武為叔刁太康逼走將啟爭士憲調和之各感服邊檄以安旋擢督糧道以

繼母老告歸主羊城越華兩書院講席卒于家

據南海志采訪冊修

吳榮光字荷屋佛山人父濟運邑廩生就職教諭性友愛昆弟子姓百人同居無間言榮光嘉慶戊午鄉薦己未成進士改庶吉士散館授編修充甲子科順天鄉試同考官十年轉江南道御史稽查通州倉奏參地方官拏船病民風采大著丁卯充浙江副考官巡視中城米貴請倉米分廠賑濟十三年巡視天津漕務旋以失察中倉革職捐復員外郎十七年補刑部員外郎總辦秋審隨

扈木蘭承審林清逆案省釋甚多二十一年升安徽司郎中二十三年授陝西陝安道署按察使申明開棺見屍鑿棺取財律意飭屬遵辦毋得牽混道光元年調福建鹽法道倡建鳳池書院添置書籍千餘卷以便講習署按察使建陽合押

斃殷戶連斗盛誣其子謀毒為平反之輿論歡然旋補按察使調浙江兼署布政使嚴拏搶火者懲辦火患以息三年調湖北按察使仍留署浙江布政使時杭嘉湖紹嚴五屬水災請撥草課銀二十萬并倡捐四十餘萬親巡各屬賑濟民頂香者載道授貴州布政使護理巡撫教民種橡養蠶數年大得其利調福建布政使捐修貢院添號舍以餘資修省志又修莆田縣木蘭陂溉田三十餘萬畝丁憂服闋十一年授湖南布政使擢巡撫十二年正月江華猺趙金隴滋事馳駐永州分兵守隘時提督海陵阿失事

上命總督盧坤剿賊榮光回省城辦餉迨新任提督羅恩舉至殲賊于羊泉事乃定九月兼署兩湖總督奏請增廣江華縣之錦田所土城以永州同知移駐改為江藍理猺同知并

移駐永州遊擊設防兵四百名馬四十四匹改永州通判為永
 桂理徭通判衡永郴桂道加兵備銜以資彈壓并撫卹被難
 民徭皆報可榮光撫湖偶有偏災即奏請蠲緩十六年以歲
 終考學政有自佔地步語降四品京堂十七年授福建布政
 使毀淫祠禁異教泐碑于肅政坊立義倉建新廩十三座使
 凶年有恃二十年展覲以年力就衰休致回籍時已六十八
 矣辛丑夷亂偕官紳倡捐團練逾年卒榮光早登詞館與名
 公上下其議論具有本原凡玩好聲色畧不關心惟法書名
 畫樂石吉金則視同性命工書法人得片紙以為重所著有
 吾學錄

賜五福堂詩集筠清齋金石錄金石款識類弟彌光道光甲
 午舉人同治辛未重游泮水其孫亦于是年入泮邑人以為

佳話年八十三卒著有芬陀羅館詩文鈔醒俗篇又刻勝朝
 遺事十餘種藏于家榮光子尙忠湖北通判尙志工部主事
 咸豐十年忤戶部尙書肅順文致其罪謫軍臺十一年肅順
 誅召還補原官未幾卒

據自撰年譜
采訪冊參修

謹案年譜云奏請將江華縣之錦田所土城廓廣移
 永州府同知駐劄改為江藍理徭督捕同知是廓城
 移駐同知非以錦田司改同知也而南海志則云奏
 請開拓錦田土城改錦田司為江藍理徭同知將永
 州府同知移駐于楊家鋪是有兩同知想未細讀年
 譜耳江華止有錦岡巡檢無錦田巡檢楊家鋪并無
 其地且以巡司改同知亦無此理實誤也為正之

區玉章原名玉麟號仁圃上金甌堡區村人嘉慶甲子舉人

戊辰進士選庶吉士散館改吏部主事性公方遇事有執因忤上官遂引疾歸初浙人陳泰來山左宋顯章皆由拔貢分部候補七品小京官者也吏部補官先後專校本衙門資俸若派別衙門者由別衙門獎敘而本部以離衙之日卽爲截俸陳宋皆在部多年而宋曾撥光祿寺當差故本部積俸較陳爲淺適七品官缺出宋託其姻戚光祿卿盧蔭溥爲地盧轉託吏侍初彭齡彭齡使人致意玉章玉章格以例俄而彭齡以差出署事賈兆春信盧言謂兩人皆當補可任意左右遂將原稿改竄先宋後陳玉章袖稿下將賈所改逐條分注賈見之惶遽曰我五日京兆耳未曉部例公事宜公商我豈敢獨任蓋賈亦知例之難違也盧聞之大恨遂自陳奏謂宋某曾撥光祿寺當差彼此俱屬辦公今文選司不將光祿寺

當差日期照計未免意存高下玉章乃偕同事呈說謂向來各員銓補俱計本部資俸若撥他處當差其日期照計例無明文卽如考試爲掄材大典而七品官赴鄉試亦從告假離衙日扣算其他可知說出而盧論絀益大恨會盧擢吏部尙書同僚勸玉章引避玉章曰吾守官而已供職如故盧屢吹毛無所得會玉章值日代他司呈稿盧多所斥駁玉章曰此某司稿若不合傳至面諭可耳盧曰汝部中老成他錯汝豈不知知而不言卽汝錯矣玉章曰部內各有分職功罪無容誘人且某稿照公辦事本亦無錯因慝引成案以拄之盧語塞心益恨玉章知不可共事遂引疾去盧不知也及玉章值日期晏不至盧怒呼吏欲卽登白簡同列以事或有因何必倉卒詢之則告假將一旬矣時朱桂楨同部聞玉章去歎曰

以微員與大吏抗執法不屈今世安有此人耶道光十二年桂楨巡撫粵東請為粵秀書院山長玉章深自韜默惟地方賑凶飢築堤堰立社倉偶謁見官吏餘則一無干豫年七十餘卒于家

據南海志修

廖姓字鹿儕龍津堡良圃人嘉慶丙子舉人丁丑進士需次工部累遷都水司郎中自西人牛痘至粵經種者痘不再出姓寄種至都籌貲為種痘人公費設局南海會館稚弱多保全姓倡之也京察授四川夔州知府府扼長江咽喉稅課豐盈姓到任時方查辦烟土恪謹奉公先後獲烟土千百箱聚而焚之一無所利丁內艱起補河南汝甯府知府署南汝光兵備道汝為古蔡州地人强悍習戰爭俗鮮蓋藏凶歲則多轉徙姓創社倉法捐廉為倡一載積米數十萬石知捕役馬

萬山能設誠使之先後捕孫權曹不佳等近百人賊為斂跡咸豐二年髮賊由湖湘下竄陷武昌漢陽汝甯之信陽羅山與漢陽之孝感毘連姓聞警馳赴信陽調丁勇阨武勝平昌平靖三關賊不能越乃間道繞汝甯而北三年六月賊在北失利折而南連陷西平遂平羅山確山四縣時汝甯無兵城復頽圯人心搖動姓飭官親眷屬不許離城復諭紳民以守連夜集丁壯修城垣練軍火賊知有備不敢犯嗣豫撫陸應穀與紳士徐廣縉亦統重兵來汝而四面皆賊文報不通沈邱正陽久被圍援兵皆畏賊不敢離郡豫撫擬退守汴梁適姓子慶謀以縣丞需次武昌城陷單騎走豫一路偵探至汝言賊初得武漢植基未固不敢離巢遠攻北竄之賊皆捻賊勾引然多烏合故棄堅攻瑕舍難取易為今之計援屬縣卽

以固郡城全郡城卽以衛省會一言退守則聲勢一失後不可爲姓令赴行臺述賊勢豫撫壯之據其言入奏姓會同直隸總兵經文岱督兵解沈邱圍陣斬首逆劉痴瘡委慶謀帶勇解正陽圍慶謀選精銳數百乘夜銜枚疾走薄賊營賊大驚棄營西走沿途追殺斬首逆王鉞自兩縣蕩平羅山等城陸續收復而各路擒賊尙多姓乃薦鄭元善于豫撫元善者前知正陽時防剿得力者也四年正月賊由金陵溯流上武漢再陷牲念寇逼門戶郡境多平曠惟羅山縣足以控遏乃偕元善至羅山因山勢疊石成牆袤延數千丈屹立如長城髮賊頻侵軼皆拒退而擒賊之訖于北者已破黃安拔豫之光山息縣姓乃派羅山屯長某復黃安命慶謀會同南陽鎮邱聯恩復光山邱始至失機敗走信陽報至羅山震懼居人

洵洵欲棄城走牲急檄慶謀進戰慶謀由光山西關進與賊戰城外另分兵牽綴東南北三門以分賊力自卯至酉血戰竟日發巨礮轟之賊不支入城不出慶謀偵知擒賊欲走武漢與髮賊合重賞募死士夜登陴大呼殺賊賊潰開南門遁適聯恩自南陽養銳而來合同追賊慶謀繞出賊前夾擊于文殊寺賊大敗擒首逆王黨梁山振等光山平息縣賊宵逃二城遂復牲體素強固自親履行間漸覺困頓恐以衰年貽誤薦元善自代引疾歸擬修鬢官輯志乘未就而卒年八十

二據南海志修

梁序鏞字雲門鹽步堡人性明敏自經史外漢宋諸儒語錄注疏及釋典道藏陰陽卜筮之書無不博涉而待物以和守已以介嘗引先儒胡方語爲立心制行之宗時文刻苦精深

不苟趨風氣修撰姚文田論文最嚴嘉慶庚申主試來粵得
序鏞卷心賞之遂領鄉薦後屢躋公車越十七年丁丑姚爲
會試總裁乃登甲榜謁見日姚謂曰我與若真師生沈瀝一
氣矣以親老呈就教職授韶州府教授有譚生居近宮牆或
誣其侵學地府欲置之法令學詳查譚有印券可憑據實詳
覆府令將詳文改辦序鏞曰詳文須實改卽不實矣事竟寢
文學品概爲士林宗負笈來者戶外屢常滿居二載得

恩贈先人如例卽告歸啟行時諸生醵百金爲餞韶人士立
長生位于相江書院誌去思也道光癸巳水災府諭鄉紳設
局平糶序鏞總理神安一屬言之府請無錢買米者照價領
三分之一改平糶爲散賑人尤德之恥私謁同年來粵督學
者二人未投一刺祁墳督兩粵其兄序鏞同年也遣子請謁

亦不見居鄉創背經社兒童能熟誦者有賞一時村塾書聲

琅琅母老疾失明親扶掖繞室行不使婢僕代其勞也內行

純備鄉黨無間言道光乙巳年八十卒

據南海志修

何文綺號樸園鎮涌堡燕橋鄉人嘉慶庚午舉人庚辰進士
授兵部主事假歸授徒爲業脩脯所入悉歸之伯兄昆仲怡
怡終身如一日晚年爲子弟析產俾猶子與親子一律不少
自私篤友誼同年故交家道中落或身後不能自振者量力
欣助未嘗有德色省居無私謁惟民生疾苦或爲地方官直
陳之素工制藝以清真雅正爲尙不逐時趨而賦鹿鳴捷南
宮者多何門弟子也道光二十四年主講粵秀書院會同年
徐廣縉總制兩粵以論事不合拂袖起卽日辭館親朋譏其
過激文綺曰君臣之義不合則去况賓主乎且使大吏知林

下尚有不戀棧豆之人不敢輕量天下士宏益多矣卒年七

十六據南海志修

潘光岳號石閭鰲頭堡人遷佛山嘉慶癸酉舉人丁丑進士
選庶吉士散館改刑部主事每治獄以明慎為主有劫案以
起意及下手致死者擬斬餘多擬軍流呈稿時堂官疑有意
開脫光岳曰律文行劫傷事主無首從皆斬但此案核其供
詞各犯不皆積匪所傷事主因黑夜奔走推跌致傷非盡以
金刃拒捕欲致人死地也罪疑惟輕似較為首者宜從未減
尚書韓對曰治獄正當如是在部十二載卒于官性寬厚有

友負千金不問也據南海志修

倪濟遠字秋杳捕屬人嘉慶丙子舉人丁丑進士嗜讀書鄉
會閩藝世多傳誦詩才尤超軼而性脫畧不羈少賣文自活

不足則寄食友朋居既倦又顧而之他僕僮厭苦不恤也登
第後合粵西之恭城荔浦賀縣桂林山水甲天下所治山城
斗大地僻政簡濟遠于川原奇秀民俗詭異可喜可愕均寄
諸詩然性本慈良見纍囚即惻然故其詩有嬌兒見爺娘惜
極始一扑扑之傷我心肌膚吾骨肉之句又拙催科逋負既
多卒以虧空將登白簡賴同年友舉貸償之事得寢然結習
卒不能變十年不遷正坐此也詩則得力少陵入險出幽乃
造平淡廣州自張錦芳黎簡後卓然自成一家論者謂宦囊
雖空詩囊則富矣俸滿入都南歸道卒著有味辛堂詩存四
卷茶峴舍詞稿一卷據南海志採訪冊修
招子庸字銘山橫沙人嘉慶丙子舉人大挑知縣分發山東
勤于吏職所至有聲道光二十年任濰縣縣有巨盜害民前

官不能捕子庸偵知率十餘騎馳往縛歸置之法民稱為趙子龍蓋以名音近而有膽也每下鄉僕從數人不飲民間勺水頌聲大作二十一年西人起豐船至東洋廣有無賴子鮑聰犯罪走登萊大吏訪廣人通各國語言者遣說事子庸薦聰往西人遂退方議登薦劾而朝議指鮑為漢奸究所由子庸遂以收納通逃落職子庸少多能不修邊幅既不得志乃為人寫蘭竹霜筠翠篠纖條弱植俱有生意又工畫蠅平沙淺水葦荻蕭疏見者有濠濮間想一時爭貴重之不識者竟以為畫手也歸家後卒同族廣濤字月航歲貢就教歷署連山鶴山學篆連山在萬山中官此者多寄住三江口廣濤親到任見學舍傾圮捐百金倡修始有甯宇新生來即見不計贄諸生詫未有道光二十一年洋務起所居近省垣乃聯絡

溇江十五鄉為聲援事平設書院有事則相助無事則相勸

地方賴焉子仲敷字水樵邑諸生工詩駢體尤擅長著聲學

海堂與番禺沈世良虞必芳相伯仲卒年甫中歲士論惜之

據南海志修

孔繼勳號熾亭羅格圍人嘉慶戊寅舉人授化州學正道光

癸巳成進士選吉士散館授編修充

國史館協修官順天鄉試同考官戊戌教習庶吉士以弟繼

襄卒告假南歸出都三日有

上書房行走之

命人為惋惜繼勳澹如也二十年春擬赴京供職值洋人滋事督撫留襄軍務繼勳悉心規畫以崇國體固民心為根本制府祁墳嘗于元夕屏騶從造廬商善後策繼勳條十事謂

兵費不可再開設兵結不解庫空餉匱必有加征派餉之憂
腹削愈多民氣益以不振又言權算煩苛非以富國倉卒召
募必無勝兵當今之世安得有趙充國其人者優其時日俾
得屯田積蓄以殄滅為期乎相與歛歔泣下蓋繼勲以受
成皇帝特達之知當以古人自期其憂國如家不辭勞瘁殆
為此也是年二月卒祁墳以詞臣歿于

王事入奏奉

旨賞子廣鏞副貢生內閣中書加侍讀銜殆異數云據南海志修

羅文俊號蘿村綠潭堡人嘉慶己卯舉人道光壬午進士
廷試日大臣擬列第七卷

宣宗拔置一甲第三人授編修尋記名以御史用十三年

大考翰詹列一等擢左春坊左庶子補翰林院侍講學士轉

侍讀學士十九年再以

大考優等授通政司副使詹事府詹事累遷工部左侍郎派

查

東陵工程冒寒得病引疾歸文俊自釋褐後迴翔史館者十
年疊充各館纂修協修官咸安宮總裁教習庶吉士內閣批
本日講起居注官派閱散館卷者二閱朝考卷者二殿試讀
卷者二舉人覆試進士覆試閱卷者各一武會試總裁并磨
勘弓石大臣者各一武會試知貢舉武殿試讀卷考漢教習
閱卷者又各一試差則充順天鄉試同考官山東鄉試正考
官順天鄉試副考官山西學政陝甘學政山東學政浙江學
政在陝浙兩留任其渥被委任如此甲辰主順天試得人最
盛居揆席持使節者多人在浙識拔多寒儒士論協服重修

阮文達所開詒經精舍增其獎賞每課親自校閱拔其尤延譽之去官後浙人士祀其主精舍中配食阮相示不忘也同人某爲學使與僚屬互訐文俊曰惟無瑕方可戮人某公自問真無瑕否夫已無瑕而容人上也已果無瑕而責人次也若目察淵魚返觀不覩其睫恐難免矣卒如所料歸後養疴省垣杜門不出宦途過訪報以一刺而已三十年以疾卒年

六十一

據南海志修

廖翺字羽泉龍津堡良圃人少積學工文嘉慶己卯舉鄉試第一道光丙戌成進士筮仕山西定襄縣廉潔愛民讞獄明慎有翁娶後妻生二子而惡其前子時前子挈妻子關外貿易翁有田八十畝乘前子出卽賣七十畝給二子別置產逾歲前子死妻挈孤扶柩歸則無食無居喪不得葬訴于官翺

偵知之責二子葬兄并割田二十畝給其嫂民大服又有翁已分產因事喪已貲令子各還田五畝其長子不樂僞書券于妹夫舉人某恃倫紀事無問翁理挺身至官不肯給翺召中保至皆不承念非問翁不白乃密召翁至盡發其奸斥子反田舉人幾愧死其他讞鞫精細多類此壬辰歲荒翺亟請開倉賑濟又捐米爲富民倡民賴以活翺之請平糶也例照時價減十之三翺思米石至七千減亦不堪遂抑價以五千報藩吏不得賄則白藩司謂省價昂未議賑襄價賤乃請賑恐令肥已藩司入其言委官按驗岌岌且得罪百姓恐翺去走白委官謂抑價乃以濟民官一無所染時集者萬眾擁輿不得入館委官恐激變乃召米商至令出結事得寢藩司聞而大賢之致書謝過乙未巡撫申啟賢至耳其名將卓薦翺

久于襄不願遷晉省辭遇暴疾卒翺治襄八年民依若父母每下鄉見者皆舍業趨路傍叩頭而退蓋八年如一日也邑患狼至入城攫小兒翺爲文責城隍狼遂絕文多傳誦所著書釋詩釋傳于世

據南海志采訪冊修

謹案翺以丙申正月十八日往省二十一日至二十二日見撫軍二十三日病是夕卒二十四日襄城外有牛副貢久病是日忽命家人具湯沐更衣云本邑廖明府請作書記家人答以縣官有書記且晉省牛曰非也作本縣城隍耳復寢而卒是時襄城遍傳而署內則于二十六日始接凶問也正直爲神理固有之以近語怪故附于此

方翽亮字懋仁伏隆堡人道光壬午鄉薦癸未進士性狂介取與不苟有鉅商欲與聯婚託友道意翽亮罵曰汝欲殺吾子耶吾子清寒入骨豈能享多金者是殺之耳速去無溷我由是皆名曰憨方鶴山令聘主義學欣然往合三謁三辭合大駭託人問故翽亮曰非也懶穿襪耳然終以爲苦甫一年辭歸閱文以自給一不合或拉雜摧燒之久之益困不能畜廝養有得卽付酒家錢盡則不復沽酒家或遣之輒遭斥自是無敢恤其窮者或數日不食或一日兼數日食無食則飢飢飽不恤則病病不呼醫旁居者聞其遶屋行吟伊吾不絕越日寂然啟戶視之則死矣親友醵錢買棺斂而歸之年四十五翽亮性純孝少時攻制藝博膏火以養母捷南宮遍求都門座主同年詩歌歸爲母壽乃及門而母已死自是遂壹鬱侘傺無聊友勸之曰以君之才稍自貶損可得温飽何自

苦狝亮曰汝知我亦為是言耶吾本意求科名為菽水耳乃科名得而菽水無所用吾不能以科名養親轉藉科名自養是死吾母以自生也尙得比于人乎聞者傷之據南海志修

吳林光字佩芳佛山人榮光弟也道光壬午舉順天鄉試癸巳成進士出宰江西歷署吉水南康縣事授鉛山縣知縣皆有聲以卓異薦其署吉水也淫雨驟漲城不沒者三版林光遣舟拯救于城上設飯廠賑之又使人乘小船四出饋食全活無算其署南康也盜魁胡毓隴居上猶崇義問負固橫行劫貲財掠婦女控者案盈尺太守擬檄兵協剿林光謂捕盜宜速調兵則機洩賊將遠遁乃選壯役持三日糧馳一晝夜入賊巢擒其妻子訊知胡往上猶劫掠計賊將返伏役于隘火其居以誘之賊望見火急回救入隘伏起賊不能遁擒胡

毓隴并其黨二十餘人二十一年奉巡撫檄有閩省購兵糧十萬石由該縣陸運至崇安交卸一縣駭愕命胥吏檢舊案吏呈案並出調民夫票請用印蓋欲藉此為索賄地也林光焚其票詣藩司請參處巡撫亦悟改由水道一縣遂安廣信為閩浙要道城堞傾欹太守麟某檄所屬七縣興修鉛山分段最長工費不下二萬林光婉曲勸捐旬日事集厥後髮賊起豫章郡縣十破其七廣信能自守亦林光力也二十四年以盜案呈吏議遂歸逾年卒子乃煌道光甲辰舉人據南海志修桂文耀字星垣其先慈溪人祖鴻以商籍生員改籍南海中乾隆戊午科舉人官安徽涇縣知縣僚壻某以沙田訟不得直因以酒囊藏金乞為直峻拒之文耀年弱冠中道光戊子舉人已丑進士選庶吉士散館授編修十九年充湖南鄉試

副考官充

國史館提調改湖廣道御史大通橋抽查漕糧二十七年授江南常州府知府調蘇州府知府署淮海河防兵備道丁父憂歸咸豐四年三月以病卒其官御史也三上封奏其二留中其一曰州縣為守土之官任重而權輕近者湖北崇陽湖南武岡賊皆戕官守城兵不為州縣用州縣束手待斃萬一歲歉民飢奸宄煽誘州縣不能治至大用兵東剿西逃彼滅此起如昔時三省邪教之事則難圖矣請州縣仿軍民同知例知府仿兵備道例兼轄營伍責以治賊部駁不行及廣西賊起州縣殘破竟如其言其官常州也洪澤湖漲總督開六閘洩之水所至田廬皆沒難民多南渡江巡撫檄蘇松常鎮太四府一州分養之諸府州憚繁費求少受人數文燿獨請

受二萬告吏民曰吾一府八縣縣率二百餘圖一圖千家以二萬人者按圖分之每圖得十人傭其力以給之食以千家養十人則不費分其人則不生事皆大悅散去論者謂可為養流民之法文燿負經濟才讀書不屑屑章句恆欲觀其通而見諸事論粵東情形謂禍發必在東莞論黃河謂河地勢南高北下河若決必北徙其言皆驗據南海志修

馮錫鏞號侶笙道光戊子舉人已丑進士選授浙江太平縣太平水利朱子故蹟也後漸湮塞早潦皆病錫鏞銳意修復訪鶩嶼插金清牖故址增堤岸設斗門塞通壅決溉田二千頃有奇西邑有妖巫託言降神斂錢賽會分潤吏胥前令不能拘錫鏞偵知步往縛歸巫風漸革賭中花會害人最甚諭禁弗戢訪其首馳捕懲之賭風亦革縣多假命案誣富者為

訛索地錫鏞申明誣告反坐之法刁風亦革道光二十年洋務起裕謙由蘇撫往浙視師調錫鏞軍營差遣派管火藥局糧臺支應局定海善後工程局事平加知州銜調黃巖縣以外艱歸在籍十數年卒

據南海志修

黃其表號雲峯泮塘人道光辛卯舉人壬辰進士以知縣發湖南丁艱服闋補保靖縣知縣縣在山中易為亂乃選民壯教以技擊俾自為守大吏上其法

詔頒行各省為操演式二十九年保靖水災請開倉賑恤存活無算咸豐元年以卓異久任擢靖州知州四年署永順知府所屬桑植縣土賊圍城縣令告急其表提兵數百趨桑植時城內兵民不滿二千而賊數逾萬乃分兵守城躬自督視嘗與一把總立睥睨間飛礮至中把總死其表屹立不動兵

心稍固而城內井泉少賊冀以坐困有老人指一智井禱之水大湧出揚水示賊賊奪氣乃夜募死士鑿城出斫賊營兵鼓噪乘之賊不知兵多少遂潰城賴以全以年老引疾歸家無儋石南海合陳善圻于西樵山建三湖書院聘之訓士年

逾大耋卒

據南海志修

徐台英號佩章登雲堡河村人道光壬辰舉人辛丑進士出宰湖南華容縣縣田無底冊但分塊圻田山田之目山田苦旱塊圻苦潦瀕湖之地旱少潦多塊圻得請緩請蠲而冊既無考遂多影射官不知銀米實數奏銷則書差代墊官給空票花戶姓名糧石多少任其自填日欠則官為之拘而收回之數官不問也至漕米一項書差外又有保戶包納收漕期迫難干湊泊官以包納為便至挾制浮收官亦不問也自道

光十一年後帶征銀欠十六萬米欠萬餘石官民交病白英稔知其弊到任後將縣田詳列底冊田數糧數花戶姓名住址分晰詳註立碑塅上使冊不能私改由是某塅缺堤某被淹應徵應緩可親自踏勘民間無從影射并申明糧隨業轉之例使買賣即時過割胥吏無從飛灑迫收漕期至通縣分設四局俾升合小戶就近輸納民免保戶之加收則多輸正供官民俱便而保戶之弊盡除華容瀕湖塅田恃堤爲命脈修堤之費向派堤內之田日久弊生有挪塅田作圻田冀免堤費者有賣田留稅派費貽累者有賣稅留田派費不至者于是有抗費之弊其催堤費之值事大抵抗費之人一人抗則相率而抗縉紳巨族官不敢過問追呼小戶所出無幾費不充則築不固遇小水卽潰無力興修勢必借帑有借無歸

遂至逃亡且一塅潰他塅亦影射以希豁免皆由未清丈立冊故國課堤工二者俱病台英一切丈量使堤內以田均費其低窪者許其輕費不許其匿畝人戶俱絕則歸之宗祠管業承費而罪其巨族抗法者此法行而堤易固通易徵訟獄衰息蓋台英年方強仕故能以一年之間除百年積弊如此調未陽未陽錢糧之弊與華容同皆櫃書里差包收包解所入十倍于官厚利旣歸深謀密布于近城刁健之戶酌量輕收專向僻遠良善之家多方扣折至鬻宅賣田完糧不足而里差富甲鄉間有陽大鵬者因民之忿以除害爲名揭竿起事貧者攘臂富人助費遂釀大亂及事平檄台英辦善後時各官意欲仍用里差恐不知花戶姓名住址催徵無從下手台英曰里差不可不革也里差雖革收糧之私籍可追里差

縱索其籍櫃書管推收過割于花戶之住址必熟責此兩種人不思無藉手遂將里差革去而收糧未有定章巡撫陸費瓊偕衡州守高人鑑親詣耒陽仍守包收包解議命鄉紳舉約總甲長以代里差且諭台英照此辦理台英私計包收包解則甲長與里差同既肯代墊必倍浮收厚利所歸求保舉則分利鄉紳問住址則仍請里差是害民者向一而今三也上書布政使萬貢珍詳為剖晰萬亦深以為然而重違撫軍意台英因集鄉紳而問之曰撫軍命汝等舉甲長約總已舉齊否曰未也無人肯充台英曰我知之矣甲長所慮恐不知花戶住址爾等所慮恐難保甲長包收吾有一法以人統地併戶于村村若干戶若干人若干糧田在某處人居某村分村立冊以各村糧數合一鄉糧數以四鄉糧數合一縣

大數各村應納之糧就近投櫃糧入串出胥吏不得與聞甲長約總只管催收無從前包解包收之害此可行否各紳起拜皆樂從台英曰有隱匿從何查核曰將清冊磨對有漏補入可耳曰虛糧作何賠墊曰虛糧無幾有之則按畝勻攤可耳議定各紳歡欣而去數月間清冊成錢糧大定即通牒大府言所設甲長等徵收甚為得力蓋調停兩可不愧通才矣至攻城之後民間挾仇告訐衡守欲概置諸法台英言于大府力保耒民不生事遂出諭禁止告訐一縣獲安先是前令以激變革職任內有漕規二千餘兩應歸高守高懼為所挾貯耒庫中未受亦未辭也台英以為無礙公帑以善後輒用去高大恨會台英丁艱高遂以交代虧空雜項揭參革職後駱秉章撫湖南知台英非自挪移又其人可用為補苴清款

奏復原官而台英決意不出同治元年五月奉

旨起用台英感激二年正月遂攜一子一僕至京

詔分發浙江交閩浙總督左宗棠差遣時宗棠住嚴州欲令帶兵勦賊台英以未歷辭宗棠嘉其誠為捐同知委署台州府知府將赴任感疾遽卒年五十九宗棠深悼惜之賻銀五百遣官護其喪歸逾年奏請以台英與閩臬桂超萬治績付史館立循吏傳得

旨允行

據采訪冊
南海志修

梁紹獻原名獻廷號槐軒瀾石人道光十二年壬辰舉人二十年考取內閣中書旋登進士第選庶吉士散館授編修累充

國史館協修纂修官丁未會試同考官三十年改江南道御

史時軍興餉乏粵東劫掠頻聞紹獻先後二疏其一核關稅謂近日度支紛繁司農仰屋與其藉紳董勸捐以填巨款不若杜關津積弊以實漏卮查上年英國洋酋在福州照會稱各國出口進口貨物多係走私中國官知而故縱等語此各國串通走漏之明證而道光三十年上海查出英商走漏茶葉經將洋船扣留該商始肯照罰此英國走漏之明證至粵東走私更疊見層出如通事蔡棠一案應納稅五千餘詭稱在上海已經輸納是謂將無作有蔡禧一案又報少漏多至奸徒何周一案經海關家人捉獲供出夥黨至今未經查究以粵省推之各省必同此弊內外扶同不知伊于胡底矣其二禁械鬪謂廣東劫奪之慘生于匪徒匪徒之多由于械鬪聞儋州械鬪至害員弁圍州城惡習不悛禍亂所由起也而

民情悍戾實官吏貪忍有以致之夫

朝廷設官欲其平訟息民耳今詞訟積不結民無所告聚黨交爭官又不爲彈壓尋仇不已殺死累累一納賂于官頂兇代受刑誅真兇仍逃法外由是怨氣鬱結既有不愛生命之意更有疾視長上之心萬一桴鼓頻鳴此輩有不弄兵潢池者乎奈何不急思所以弭之也其三飭吏治謂吏治日汚民生日困息民訟而訟愈少諱言盜而盜愈多推求其故由地方官改盜爲竊規避處分不知民犯斬絞之罪僅得流徒之刑亦復有何顧忌無怪日諱盜而盜益滋也至借盜銷案尤爲狡詐一起盜案則牽數案之盜以充之一犯到案則累前後數案而入之或胥吏誘供或差役逼嚇在犯人均之一死多認可免鞭笞官吏欣然以爲得計不知官可免參處賊亦可免查拏矣尤可異者一經報案委員勘驗動索夫馬欲滿其所欲則劫後無餘財不給其所求又不據實具稟無怪被劫之家吞聲忍氣不肯報官也而官正樂其不報以爲免受案累烏知官少一案之累民多無數劫案之累乎語多剴切母陳迎養在都年八十餘欲南歸遂于二年送親回籍於佛山授徒以養同治三年大吏聘主羊城講席館穀所人先營家廟五年卒年六十一

據南海志修

招敬常原名鏡蓉字心臺溶洲堡人道光乙未舉人戊戌進士授陝西興平知縣丁外艱歸服闋赴京授北城兵馬司正指揮首革斂舖戶生辰錢關外人王得亮酒醉碰鍤盆流血身死敬常驗傷口入深有力疑非自碰然其時得亮妻子及女董王氏眾口一詞餘無左證敬常力持之刑部提訊則女

犯姦得亮忿責之女拾地上破鋏還擊中右額死妻欲全女捏情報官也乃論如律刑部尙書李振祐大賞之薦擢同知分發廣西是時賊匪蜂起二十九年湖南賊李沅發竄據龍勝州撫軍檄署龍勝通判合與義甯協瑪隆阿合剿瑪軍敗兵欲退敬常曰賊方得志我退賊乘之無子遺矣依山結營賊挑戰屹不動乃散去敬常曰此賊欲間道截我耳乘夜拔營回龍勝賊走沙宜懷遠告急敬常分兵備抄後自以精兵迎擊連勝之三十年昭賀間葉天娘反臬司勞崇光調署昭平時賀勇先敗于天門山亡文武數員縣屬砂子街告急敬常率親丁數十馳赴砂子泊大兵至營未定賊乘機突之兵盡潰獨敬常有備得不敗然是時已行堅壁清野法賊無可掠日飢困遂竄官兵追至賀縣大灣前阻猺山敬常料賊必

翻山至砂子飛檄各處鄉勇兜截皆大勝生擒葉天娘首從二百餘名賊燄以息咸豐元年東匪曾亞昌由廣甯至懷集屯洽水墟大吏調敬常署賀縣至則連敗賊賊走都江據山險乃分兵駐大凝防堵自入山搜賊賊敗走大凝兵與防兵夾擊之亞昌竄回廣東旋授首事聞賞戴花翎補慶遠同知署柳州知府仍留辦縣事時髮賊方攻桂林不下陷全州走湖南賀境兵勇往來絡繹敬常備船械禁剽掠縣境獲安無何縣賊鍾乃康率眾攻城敗之追至榕木墟擒乃康功上加知府銜署平樂府事時修仁荔浦土賊勾永福象州賊來往行劫接篆後率兵屯修仁之石牆賊萬眾屯牆外敬常以猺勇踞左嶺全勇踞右嶺選精銳爲策應賊分三股來撲兵力摧之斬僞先鋒二首級百賊怒傾巢出敬常諭軍無動賊將

至石牆脚麾兵衝出左右嶺兵張兩翼包之賊潰走桐木墟不敢出調桂林府知府時廣東紅巾賊起蔓延兩省平樂當其衝羣盜聚焉巡撫勞崇光以敬常治平有績俾莅舊疆是時兵餉俱絀民無固志乃挑練兵數百訓以大義忽恭城賊數千突至卽率之出城數十里迎敵賊素易平樂人謂來迎也行漸近出不意突撲之賊驚散追斬數十人竿之而返寓郡賊恐土人賣已亦散去十一月補思恩府知府仍留署任六年湖南賊至江華都司黃金亮與賊合陷恭城協兵擊之相持兩月賊糧盡向北門遁去城遂復敬常料賊必回先遣兵扼龍虎關賊果以萬人攻關兵不敵棄關守昭平城復敬常諭知楚粵賊不相能使人說粵賊使立功自効賊首盧日新以二千人降挑五百爲功勇率之攻恭城城立拔黃金亮

走灌陽然是時兵餉多不給降人亦散適潯州髮賊以大股攻梧州敬常歎曰平梧爲省門戶梧州失平樂勢孤賊乘虛入此城危矣七年詣省請帑爲修城募勇計上官無以應俄而梧州陷永安一帶土賊響應黃金亮逼興安修仁荔浦賊復起陷城敬常赴屬鎮撫而平郡二塘賊又起方馳回彈壓而梧州賊分股犯桂林一路焚劫省無兵可發郡又無款可籌不得已暫飭兵屯分股防守五月賊數千由桂林六塘至砂子乃派員弁出禦員弁遇賊卽潰賊徑至城下急覓眾紳紳已散覓屯丁丁亦匿敬常怒自上南門督戰親發礮擊賊賊轉攻北門方馳赴而悍賊數十人已由城東羅漢嶺架梯上城敬常巷戰力竭爲賊擁去閉室中謂此好官不可害至夜半家人救出避民家民以小船送往四冲猺屯卽傳猺及

附近紳民進兵復城親自督戰進逼郡城對河聲威稍振然
憂忿交迫病已沈重一日忽聞水勇敗回大呼札營遽暈絕
俄頃卒年五十六子成材咸豐辛酉舉人成鴻同治丁卯舉
人據南海志修

謹案咸豐七年賊破梧州是年廣東赴援為提督崑
壽軍亦敗回至八年崑壽再入西江梧州始復非柳
州也灘江一水自桂林經平樂至梧州故為門戶柳
州遠在右江與桂林絕遠矣而南海志誤梧州為柳
州遂不可通為正之于此

陳信民字任甫九江堡人道光十七年丙申進士湖南即用
知縣道光十三年癸巳桑園圍決七月颶風房屋多傾頽米
踊貴信民時為諸生駕小舟巡行邨莊勸有力者出資助賑

存活無算十八年水又至兼淫雨連月大圍內子圍亦幾決
信民倡捐多金鳩工庀材俾一律完固其有德于鄉類此是
時九江多賭風武舉余秉剛以開賭為業眾畏其勢莫敢擅
發信民與會銘勳馮汝棠明倫等召至鄉校數其罪厯控大
府秉剛竟麗臯死由是賭博衰息九江至今無賭信民力也
陳本大族多欠糧信民設法清釐族內免追呼之苦十八年
臘月將赴任抱病遽卒據南海志修

譚瑩號玉生捕屬人道光二十四年甲辰舉人官化州學訓
導升瓊州府學教授加內閣中書銜幼穎悟于書無不窺尤
長于詞賦年十二作雞冠花賦看桃花詩老宿驚賞之弱冠
應童試時儀徵阮元督兩粵以生辰避客往山寺見瑩題壁
詩文奇之詢寺僧知為南海文章方赴縣考者因以語南海

令遂以縣考第一入泮督學爲長洲顧元熙亦賞其賦有六朝胎息道光初阮元開學海堂于粵秀山以經史詩賦課士見瑩所作蒲澗修禊序及嶺南荔枝詞百首尤爲激賞自此文譽日噪凡海內名流游粵無不慕交者道光六年常熟翁心存督粵學以櫻心扇賦試諸生瑩居首列時值西陲用兵覆試題爲擬平定回疆收復四城生擒首逆賀表瑩振筆直書駢四儷六得一干五百餘言學使批其卷有粵東固多才此才合推第一之語繼翁任者爲平湖徐士芬閱其歷年試卷亦有騷心選手獨出冠時之譽遂以優行生入貢顧瑩聲望雖高鄉場屢黜前後典試如壬辰程恩澤癸卯翁同書榜後皆咨嗟以珊榜未收爲憾至甲辰始列賢書然瑩澹榮名計偕後不復北上愛教職無事得以肆其搜覽任化州最久

士樸魯不文瑩諄諄引導迪以詩書教職俸薄惟恃新生脩脯且多書券爲信瑩隨諸生自送去官後所積空券盈篋語子弟悉焚之前後委管學海堂學長粵秀越華端溪書院監院留意鄉邦文獻數十年事述其顛末厯厯不爽著樂志堂詩集十二卷續集一卷文集十八卷續集二卷兩修邑志一修府志府志稿未就而卒年七十三子宗浚續成之宗浚咸豐辛酉舉人同治甲戌一甲二名進士現官編修同邑顏薰字紫墟梁玉森字藹儔邑廩生李保孺字慕堂亦以詩鳴死後皆有集問世而薰晚年設教海幢寺院中詩僧皆執贄稱弟子尤佳話也

據南海志采訪冊修

林彭年原名殿芳字朝珊上林村人咸豐二年壬子科舉人時髮賊竄出粵西天下震動彭年上書侍郎王茂蔭

書日治有治本

亂有亂源不究治本欲求治而不能不究亂源欲弭亂而不
可今日之亂源何在令長之貪酷者是已試以粵西言之粵
西之未亂也官吏宦于其省者觀其籌深林密視同天牢地
獄之不可居觀其俗樸民頑視同鳥獸蠻夷之不足惜然既
仕于其地無可脫逃遂以遷擢為緩圖以取盈為急務彼此
則效無非欲肥囊橐而長子孫其練手忍心誠有不堪言者
然州縣而上有知府道員道之上有三司三司之上有兩院
彼其人皆有察吏安民之責豈于屬員之賢否漫無分別哉
無奈不學俱欲之物浸灌滋潤入于骨髓者已深互相徇庇
上下交征未員恃大吏為狐城大吏借屬員為外府小民疾
首痛心已非朝夕一旦有風塵之警奸民起乘之游民附之
思民貧民之無所得食因逼脅而樂從之而大亂之局成矣
也及滋蔓愈眾撲滅愈難遂張皇其事告急于大吏大吏并
無措置但發號令行文書一則曰調兵再則曰籌餉而已泊
夫所調者皆有名無實之兵所籌者皆絕無僅有之餉自至
進退失據剿撫兩窮不得已以盜賊遺君父夫夫治亂之故大
以盜賊遺君父夫夫治亂之故大抵彈盜于造謀之始散以一
時治以數萬雄師而不足為今為揀之策者日揀慈惠以繫民
心日擇計臣以廉介為根柢者蓋為牧令者平日不以自私
也而思謂必以廉介為根柢者蓋為牧令者平日不以自私
貨財外榮寵氣節不挫于權豪而後敢薰社鼠逐城狐正賦

不侵于中飽若夫備公侯于城腹心之選似乎尚藉畧貴權
謀賞或吝兵不來軍無餉士不往為將者不能舍一己易得
之財而欲為兵者舍一己難捐之命不可得也由是以思將
必用廉介之人決矣夫仁慈智慧果敢而又濟以廉能此古
人所謂人傑也非可以程文取之資格求之憑掣簽之筭而
拔之者也非大臣公忠為國不避嫌不避怨物色于賣漿屠
狗之間賞識于俘虜蠻夷之末人材豈能脫穎而自出哉近
日仕風與古先異當其索居閒處自謂優游以棲樂國勝于
鞅掌而赴危途及夫委贄從王又謂冒險以立奇功不若安
居而無大過委曲煥選如自性生故邊疆無任事之人臺院
鮮敢言之士君臣上下不相係維如萍浮于江湖中欲黜貪
汎汎然而偶相值也則時局之變愚不測其所終也
儒薦賢才以激發朝官言多剴切四年粵東紅巾賊起彭年
僑居順德父老促歸團練以兵法部勒子弟戮通賊一二人
井里肅然時花縣被禍最慘大吏檄彭年督鄉勇五百助勦
兵至賊即奔潰旋值西人擾省垣各官逃匿彭年知事不可
為閉門不出十年會試成進士以第二人及第授翰林院編
修改監察御史富新倉監督同治元年

詔求直言彭年觀各省形勢及盜賊出沒之區謂粵賊熾于南擒賊証于北而能為河朔利害者擒賊為甚能為京畿利害者山東擒賊為尤請直隸與山左毘連之處設險扼要練兵選將擇重地而防守之使賊坐困山東不得窺京師而後派公忠大臣招降迫脅以疑其黨合力攻剿以挫其鋒此固京邑以振

國威之策也先後四五上書論兵事俱留中七年授貴州鎮遠府知府人皆苦其貧瘠彭年欣然就之會病卒人咸惜之

據南海志修

伍崇曜原名元薇字紫垣先世自閩遷粵父秉鑑以洋商致富喜施予嘗與新會盧文錦共捐貲十萬將桑園圍改築石隄總督阮元撰碑紀其事崇曜弱冠進庠道光四年常熟翁

心存視粵學賞其沈香浦懷古賦補廩餼急公有父風計伍氏先後所助不下千萬捐輸為海內冠咸豐四年土寇發省城四面皆賊各鄉消息不通大吏籌兵議餉庫項支絀不能不借貲于洋人遣崇曜往共借洋人銀二十六萬有奇五年正月大兵克沙菱責助餉四十萬始清結自後省垣捐輸皆以為重蓋家本饒人諒其無私而調處得宜又閱歷所致也粵省號富饒而書板絕少坊間所售惟科場應用之書此外無從購崇曜思刊刻書籍以惠士林乃延同邑譚瑩與編訂首刊嶺南遺書六十二種粵東十三家集各種楚庭耆舊詩七十二卷粵東文獻畧備乃廣搜秘本刻王象之輿地紀勝二百卷此外零珠碎璧集腋成裘共成粵雅堂叢書二百餘種叢書諸體兼收自明左氏百川學海遍走四方而我

朝毛氏津逮秘書鮑氏知不足齋張氏學津討原吳氏藝海珠塵搜羅或百餘二百種集成大觀而古笈亦賴以傳崇曜所刻多世不傳本與同時番禺運使潘仕成海山仙館叢書並為藝林所重自此廣州學者不出門而坐擁百城矣先以捐輸

賜舉人再以勞績加二品頂戴

賞戴花翎給三世一品封典蓋異數云其卒也官吏及泰西

官商咸往致奠其得人心如此據南海志采訪冊修

鄒伯奇字特夫泌冲人邑諸生聰敏絕人通諸經義疏大義尤長于算學學使戴熙試廣屬文童問音韻源流伯奇所對獨詳拔進邑庠嗣後閉戶覃思以算通經以經證算欲成一家之學嘗謂昔人考春秋朔閏類求之經傳未能精確今以

歷術上推二百四十二年之朔閏食限然後質以經傳所書乃知有經誤傳誤及術誤之分作春秋日月考正之又論尙書克殷年月謂鄭元據乾鑿度以入戊午部四十二年克殷下至春秋凡三百四十八年劉歆三統術以為積四百年今以歷術上推且以歲星驗之始知鄭元之是劉歆之非其解孟子由周而來七百有餘歲謂閻百詩孟子生卒年月攷據大事記及通鑑綱目以孟子致為臣而歸在周赧王元年丁未逆數至武王有天下歲在己卯當得八百有九年今攷綱目年數本之劉歆然共和以上周初年數史遷已不能紀劉歆歷譜本之魯世家耳今將歆歷與史記比對歆于煬公獻公等年分增加五十二年若減其所加則歆所謂八百有九年者實七百五十七年耳又謂胡渭禹貢錐指言五服不及

五嶺要荒之外尚有餘地不知孟子言三代授田五十畝當周百畝以積求邊則王制九州方三千里祇當夏二千一百二十里餘是僅過侯服之外六十里而已其外尚有綏要荒三服以數計之則禹貢五千已是北窮朔漠南踰嶺海烏得謂不及五嶺且要荒之內包蠻夷流蔡名爲四裔安得謂此外尚有中國餘地哉又謂大戴禮明堂說當日必有九室之圖四隅室外復接四室二九四七五三六一八者圖中記數之字橫書左行及圖亡字存轉寫者縱書而右行故錯亂如此其曰赤綴戶也白綴牖也此則明有赤白點爲有圖之證耳又以向來注經者未精算學故制度多疏作深衣攷以訂江永之謬作戈戟攷以指程瑤田之疏以景福殿賦陽馬承阿證古宮室阿棟之制以體積論稟氏爲量以重心論懸

罄之形皆繪圖注說援引詳明凡經中有關於天文算術或先儒未發或發而未明隨時錄出成學計一得一書此皆其精思創獲有裨于經學之大概也又嘗作古韻諧聲譜以爲方音有流變故古今音不同非諧聲無以定古之本音非方音無以盡詩之取韻又作雙聲疊韻譜以推明古音古義生平精于西法暇讀墨子書謂爲西學所自祖其說鑿然有據其獨抒心得多此類也同治三年郭嵩壽撫粵以數學特薦詔督撫咨送而伯奇家居養母終不出也八年五月卒年五十一友人刻其遺書自學計一得外有皇輿全圖三卷地球背面全圖赤道星圖黃道星圖補小爾雅釋度量衡一卷格術補一卷乘方捷術三卷存稿一卷今其學尙有能傳之者

據南海志
採訪冊修

康熊飛字少岳蘇村人廣西布政使國器子也少讀書觀大畧甫應童試不售輒棄去咸豐四年髮賊擾江右國器方爲贛州巡檢大吏委督兵復臨江熊飛連年不得父耗乃走庾嶺投其父臨江軍營日與健兒游講求火攻水戰各法隊長輕其年少約分帥舟師襲賊故逗留不進以試之熊飛出賊不意以孤軍撲賊營賊盡驚潰衆乃推服熊飛治兵嚴營政肅然巡撫耆齡賞異之七年初至卽委統濟勝軍臨江克復保從九品八年委帶水師左營克復饒州府安仁縣城掃平河口鎮青山灣蔡家埠賊壘皆先登功最以縣丞遇缺卽選賞戴藍翎十年江右漸肅清而土匪游民及散勇沿河劫掠爲行旅苦大吏委熊飛帥水師梭巡見賊卽勦居民恃以無恐十一年耆齡移撫粵抵韶州聞土賊陳才梁柱練四虎尙

據陽山連州界之藍山卽駐節韶州爲滅賊計札調熊飛父子到營差遣熊飛建三策一曰逼賊巢二曰間賊黨三曰倡民團耆齡皆用之賊果洵懼侯陳帶陳潤等率先歸順惟練四虎陽乞降以緩兵熊飛親至賊營曉以大義賊狐疑未決乃誘之離營約降伏兵縛之藍山平敘功以知縣遇缺卽選加同知銜同治元年耆齡移辦援浙軍務時江南賊方熾自杭城失陷後湖州金華所屬各城皆以僞王統兵固守耆齡調熊飛父子統昭武軍援浙熊飛謂金華爲杭州門戶湯溪又金華門戶湯溪不拔卽杭州難復乃親冒矢石晝夜環攻苦戰八十餘日賊援兵又至熊飛內擊堅城外抗鉅敵卒皆披靡湯溪乃下連日截殺龍游竄出之賊五千餘人龍游亦下是月也金華郡縣皆同時克復蓋湯溪旣拔迎刃而解也

功上以同知儘先選用換戴花翎時餘杭賊尙堅守大吏以委熊飛熊飛乘銳逼之未匝月而餘杭復杭州亦復三年浙督左宗棠保奏以知府留浙補用浙賊既散偽侍王李世賢偽康王汪海洋擁眾二十餘萬竄江右由建昌府入閩朝廷委宗棠以

欽差大臣滅賊宗棠檄熊飛父子統五軍倍道窮追而自率全師繼進熊飛轉戰而前拔新城至雁石大小數十戰四年正月遂復龍巖州城并掃撫溪金豐苦竹各隘諸賊功上加道銜給強勇巴圖魯汪賊既失龍巖復陷永定爲入粵計熊飛統兵進駐湖雷以防回竄適楚兵戰敗汪賊復振悉眾分千餘路挑戰國器揮各營拒敵酣戰兩時勢甚急熊飛親佩火器挑各營精銳數百騎衝突賊陣賊少却血戰兩日賊始

退走而李賊大隊又由漳州來援值大雨河漲熊飛俟其半濟馳擊之自辰至酉斬賊五千降者八千薙髮散遣歸籍者萬人擠河淹死者無算汀洲一股幾盡李賊以身免卒爲汪賊所殺是時諸賊悉統于汪賊其別股當湖雷苦戰乘虛犯副帥劉典營國器留軍守湖雷命熊飛悉所部馳救至卽敗之生擒偽天將丁太陽圍解閩省肅清擢道員仍留浙江補用汪賊眾尙十萬陷鎮平于城外築壘以守左督檄熊飛入粵分攻石古排賊壘約三寶墟之粵軍合擊粵軍爽約熊飛以孤軍八千人逐賊至高思與賊胡瞎子等血戰兩日賊來愈眾其時軍初越境結營未固賊四面環攻諸營不能相救熊飛留一軍守後營偃旗息鼓以誘賊引各營上山迎戰賊料後營全出乘虛來襲後營已先有備擊賊退熊飛料賊必

廣州府志 卷二十九
三
上山預于山腰開塹并燒斷賊歸路汪賊親來督戰斬退縮
撲至坑邊熊飛始揮抬鎗軍接仗戰方酣突遣一軍橫衝出
斷賊爲兩墜崖死者數千人槍傷汪賊右臂汪賊退賊壘亦
同時攻破乃滾營而進直抵城邊汪賊知勢不可支開西門
遁走鎮平遂復汪賊既走仍于河旁伏悍賊據橋堵拒熊飛
馳至擊斃騎馬賊目四人斷後賊數十人賊披靡拔出難民
數千獲馬數百賊前隊分三路向平遠各軍亦分路追躡熊
飛追至竹子澳賊方設伏熊飛飭龔長春入伏誘之自率所
部伏山前命吳光亮由間道截其後林木從山坑擊其旁布
置甫定龔長春鼓噪而進賊號礮發喊聲四起忽熊飛從山
前林木吳光亮等從後及左右抄出賊伏破奪路狂竄連掃
沿途賊館二十餘處其另股向東石來犯者爲江右軍擊敗

折回適相值熊飛當頭迎剿斃賊更多賊料嘉應州城必空
遂從連平州翻山而過突陷州城時黃波士賊霆營叛勇附
之勢復張左督恐賊竄出爲患也謂聚于一城可以盡殲乃
集三省兵並調提督鮑超合圍由是諸營分兵挑戰而汪賊
已因傷身死餘賊多逃追至潮界賊已不能軍熊飛與諸將
議招降免多殘殺遣弁諭願歸何營聽自擇由是相率歸順
熊飛所部獲僞王四人僞王宗四人僞天將朝將十餘人受
降萬餘人俱給貲散歸本籍嘉應平八年赴部引

見六月回杭州因病遽卒年三十四熊飛少年英果在軍中
有嗜殺聲然有時多所寬貸先後在湯溪蘭溪餘杭嘉應等
處復城後恆捐貲掩骸埋斃賑粥飯以活飢人所保全不少
嘉應松口至立生祠祀之其遺愛在人又如此

據南海志修

李徵爵原名鳴韶字孟夔九江堡人少沈默好學道光壬辰舉人甲辰大挑二等補高要縣學教諭加內閣中書銜是歲桑園圍決與眾紳實力堵築同治初本邑進士湖南知縣徐台英奉

特旨起用時徵爵亦截取知縣台英邀與俱出徵爵性澹泊不樂仕進乃為時事十策授台英備采擇台英深韙之充學海堂學長並續修南海縣志廣州府志未脫稿病卒年

七十據采訪冊修

南海李徵爵分纂

番禺史悠履初校

番禺史悠乾再校

番禺金佑基三校

南海顏以湘四校

廣州府志卷一百二十九終



